



醫學綱目卷之十五

肝膽部

頭風痛

產頭痛

偏頭痛

雷頭痛

大頭痛

眉痛

頭重

頭風屑

丹頭痛

多主於痰痛甚者火多有可吐者亦有可下者

金匱真言論云東風生於春病在肝俞在頸項故春氣

東垣大法

火主於痰

者病在頭又諸陽會於頭面如足太陽膀胱之脈起於目

內眥上額交巔直入絡腦還出別下項病衝頭痛又足少

陽膽之脈起於目銳眥上抵頭角病則頭角額痛夫風從

上受之風寒傷上邪從外入客經絡令人振寒頭痛身重

惡寒治在風池風府調其陰陽不足則補有餘則瀉汗之

則愈此傷寒頭痛也治法見傷寒條頭痛耳鳴九竅不利者腸胃

之所生乃氣虛頭痛也治法見氣虛條如氣上不下頭痛巔疾者

下虛上實也過在足少陰巨陽甚則入腎寒濕頭痛也治法

見寒濕條有厥逆頭痛者所犯大寒內至骨髓髓以腦為主腦逆故令頭痛齒亦痛治見寒條有心煩頭痛者病在膈中過在手巨陽少陰乃濕熱頭痛也治見實條

頭痛分三陰三陽見陰陽條諸血虛頭痛當歸川芎主之 諸氣虛頭痛人參黃芪主

之主者主治也兼見何證以佐使藥治之此立方之大法也 血氣俱虛頭痛者於調中益氣湯加川芎蔓荊子細

辛其効如神 諸濕厥頭痛清空膏主之即風濕熱頭痛也方見濕氣條

諸痰厥頭痛半夏白木天麻湯主之方見脾土條 諸厥逆頭痛羌活附子湯主之方見寒條 如濕熱在頭者以苦吐之

不可執方而治方見實條 三陽頭痛三陽散而寒之 羌活 防風 荊芥 升麻

葛根 白芷 柴胡 川芎

芍藥 細辛 蔥白連鬚分兩旋加

陰證頭痛只用溫中藥如理中薑附之類也

凡頭痛皆以風藥治之者總其大體而言之也高巔之上惟風可到故味之薄者陰中之陽自地升天者也然亦

有三陰三陽之異 太陽經頭痛惡風寒脈浮緊川芎獨活之類為主 少陽經頭痛脈弦細往來寒熱柴胡黃芩

主之 陽明經頭痛自汗發熱不惡寒脈浮緩長實者升麻葛根石膏白芷主之 太陰經頭痛必有痰體重或腹

痛為痰癖脈沉緩者蒼朮半夏南星主之 少陰經頭痛三陰三陽經不流行而足寒氣逆為寒厥其脈沉細麻黃

附子細辛湯主之 厥陰經頭疼項痛或吐痰沫冷厥其脈浮緩吳茱萸湯主之方見傷寒

三陰燥而溫之

三陽散而寒之

清空膏治偏正頭痛年深不愈者及療風濕熱頭痛上壅損目及腦痛年深不止

羌活

防風各一兩

柴胡七錢

川芎五錢

甘草炙一兩半

黃連炒一兩

黃芩三兩一半酒製一半炒

右為細末每服二錢熱盞內入茶少許湯調如膏抹在口內少用白湯送下臨臥如苦頭痛每服中加細辛二錢如太陰脈緩有痰名曰痰厥頭痛加羌活防風川芎甘草又加半夏一兩半如偏正頭痛服之不愈減羌活防風川芎一半加柴胡一倍如發熱惡熱而渴正陽明頭痛只與白虎湯加白芷

濕熱宜清之

東垣云諸濕熱頭痛清空膏主之丹溪云東垣清空膏諸般頭痛皆治惟血虛頭痛從魚尾相連痛者不治又云治少陽頭痛如痛在太陽厥陰者勿用蓋謂頭顛痛也

四 小清空膏治諸般頭痛惟血虛頭痛不治用片苓細切酒拌勻晒乾為末茶清調下酒亦可

垣 清上瀉火湯昔有人年少時氣弱於氣海三里節次約灸五七百壯至年老添熱厥頭痛雖冬天大寒猶喜風寒其頭痛便愈微來煖處或見烟火其痛復作五七年不愈皆灸之過也

羌活三錢

防風七分

升麻七分

柴胡五分

藁本半錢

細辛少許

川芎二分

荆芥二分

蒼朮三分

蔓荊子二分

黃芩酒製一錢半

黃連酒製半錢

黃柏酒製一錢

甘草五分

知母酒製一錢半

當歸三分

生地半錢

黃芪一錢

紅花少許

右剉如麻荳大分作二服每服水二盞煎至一盞去查稍熱服食遠

補氣湯服前藥之後服此藥

黃芪八分 甘草炙 歸身各二錢 柴胡
升麻各二分 細辛少許 麻黃炒 苦丁香各半錢

水煎服

安神散治頭旋眼黑頭痛

羌活兩 防風二錢 柴胡五錢 升麻五分
酒黃栢一兩 酒知母半錢 酒生地兩 黃芪一兩

甘草炙三錢 生甘草三錢

右咬咀每服半兩水二大盞煎至一盞半加蔓荊子半錢川芎三分再煎至一盞臨臥去查熱服

右東垣丹溪治虛熱頭痛大率皆以酒苓酒連酒栢加風劑也

羅川芎散治頭風偏正頭痛昏眩

川芎 細辛 羌活 槐花

甘草炙 香附子 石膏炙半兩 荊芥

薄荷 菊花 防風 茵陳各一兩

右為細末每服二錢食後茶清調下日三服

石膏散治頭疼不可忍

麻黃去根節 石膏各一兩 何首烏半兩 葛根七錢半

右為細末每服三錢生薑三片水煎稍熱服

石膏散治頭疼

川芎 石膏亂紋好者 白芷

右各等分為細末每服四錢熱茶清調下

本荊芥散治頭風王太醫方

荊芥 石膏煨存性等分

右為細末每服二錢薑三片蔥白三寸和鬚使水一盞

煎至七分食後服

治丈夫婦人風虛頭疼氣虛頭疼婦人胎前產後傷風頭疼一切頭疼並皆治之

茵陳揀淨五兩

麻黃

石膏煨存性各二兩

右為末每服一錢臈茶調下食後服服畢仰臥霎時

寒濕

玉真丸治腎氣不足氣逆上行頭疼不可忍謂之腎厥其脈舉之則弦按之則堅

硫黃二兩

石膏煨通赤研

半夏湯洗

硝石研各一兩

右為細末研勻生薑汁糊為丸如桐子大陰乾每服二十九薑湯或米飲下更灸關元百壯良方中黃丸子亦佳虛寒甚者去石膏用鍾乳粉一兩

腎虛則頭痛肝虛則頭

素問云頭疼巔疾下虛上實過在足少陰巨陽甚則入腎狗蒙招尤目眩耳聾下實上虛過在足少陽厥陰甚則入

肝下虛者腎虛也故腎虛則頭痛上虛者肝虛也故肝虛則頭暈狗蒙者如以物蒙其首招搖不定目眩耳聾皆暈之狀也故肝厥頭暈腎厥巔痛不同如此治肝厥釣藤散見眩門神妙丸治頭疼及腦風

食鹽

硫黃各等分

右為末水調生麩為丸如桐子大每服十五丸用薄荷茶食前下荆芥酒亦得

丹孫兆口訣治頭疼附子炮石膏煨等分為末入腦麝少許酒茶下半錢妙

右硫附中加石膏之劑

治頭風如神附子一枚生去皮臍用菘荳一合同煮荳熟為度去附子只喫荳立瘥每附子一枚可煮五次後末服之修真秘要

本治氣虛頭疼用大附子一枚剝去心入全蝎二箇在內取前附子末同鍾乳一分麪少許水和裹炮熟却研為末以焦黃為度蔥茶調下一錢或半錢

又方用大附子

一枚和皮臍生為末

大川芎

一箇剝作四片

以水和附子末如麪劑裹川芎作四處如附子末少入少麪裹畢以針穿數孔子用真腦射薰其穴內覺附香再捻合穴子如未覺內有香即再薰一炷細羅成灰用銚子內熱灰炮熟末之每服半錢蔥茶調下不拘時候

右泗醫楊吉老二方神効

右附子純熱例

大寒犯腦頭痛齒亦痛

帝曰人有病頭痛數歲不已此安得之名為何病岐伯曰當有所犯大寒內至骨髓髓以腦為主腦逆故令頭痛齒亦痛病名曰厥逆奇病論

垣羌活附子湯治冬月大寒犯腦令人腦痛齒亦痛名曰腦風出奇病論中

防風二分

黃芪一錢

麻黃一錢

蒼朮半錢

升麻二分

甘草二分

黑附子一分

羌活半錢

白芷

白僵蚕

黃柏各三分

右咬咀水煎去渣溫服食後若有寒嗽加佛耳草三分羅川芎神功散治風熱上攻偏正頭痛無間微甚久新並皆治之

川芎一兩

甘草二錢半

川烏生去皮臍

白芷

天南星

麻黃去根各半兩

右為末每服三錢水二盞生薑三片煎至七分投清酒半盞和查溫服密室避風如人行五七里再服汗出為度其病立愈

救苦神白散治男子婦人偏正頭痛眉骨兩太陽穴痛及熱上攻頭目目赤不已項筋拘急耳作蟬鳴

川芎 甘草炙各八錢 甘松去土 赤芍藥

白芷 兩頭尖 川烏頭去皮臍各六錢

右為細末每服二錢溫茶調下服藥後飲熟水半盞

本治一切頭疼黑龍丸

天南星洗 川烏各半斤黑芷并蒸三次 石膏半兩

麻黃 薄荷各四兩 藁本 白芷各二兩

京墨兩半

右為細末煉蜜杵丸彈子大每服一九薄荷茶湯調下

治傷寒頭疼太陽頭疼及一切頭疼

川烏炮 草烏各半兩 麻黃 川芎

防風 羌活各一兩半 地龍去土 全蝎一箇

雄黃三錢

右為細末每服半錢食後茶清調下

垣麻黃吳茱萸湯治頭痛胸中痛食減少咽噎不利寒冷

脈左寸弦急

麻黃半錢 吳茱萸三分 黃芩二分 川烏一分

羌活五分 細辛少許 蔓荊子一分 藁本

柴胡 黃芪各二分 蒼朮錢一 黃連二分

半夏一分 黃栢 升麻各二分 紅花少許

當歸二分

右吹咀作一服水二大盞煎至一盞去查稍熱服食後

丹東陽陳元露筋骨體稍長患體虛而勞頭痛甚至有訣

別之言予察其脈弦大而帶數以人參為君川芎陳皮為

佐至五六日未減眾皆訝之以藥之不對也予曰藥力有

虛

次第更少俟一二宿當自安忽其季來問曰何不少加黃芪予不答又經一宿忽自言病頓愈予脈之覺指下稍盛又半日病者言胃上滿不覺飢視其腹紋已隱矣予曰藥中莫加黃芪否曰然止與三貼遂連與二陳湯加厚朴枳殼黃連以瀉其衛三貼而安

血虛

血虛頭痛自魚尾上攻頭痛必用川芎當歸湯眉尖後近髮際曰魚尾

大一奇散治血虛頭痛神妙即芎歸湯也方見產頭痛又方用川芎

半兩為末每服二錢臘茶調下甚效曾有產後頭痛者一服即愈

外治頭痛欲裂當歸一兩酒一升煮取六合飲至醉效

氣虛

素頭痛耳鳴九竅不利腸胃之所生也通評虛實論○東垣云此氣虛頭痛

也用人參黃芪主之

羅氣虛頭痛治驗 參謀栢仲實年六十一歲二月間患

頭痛不可忍晝夜不得眠邀往視之其人云近在燕京患

頭昏悶微痛醫作傷寒解之汗出後痛轉加復汗解病轉

加而頭愈痛遂歸每召醫用藥雷同到今痛甚不得安臥

惡風寒而不喜飲食診其脈弦細而微氣短而促懶言語

內經曰春氣者病在頭今年高氣弱清氣不能上升頭面

故昏悶此病本無表邪因發汗數四清陽之氣愈虧損不

能上榮亦不能外固所以頭苦痛而惡風寒不喜飲食氣

短弱宜升陽補氣頭痛自愈名之曰順氣和中湯

黃芪半錢 人參錢一 白木分五 陳皮分三

當歸分五 芍藥分五 甘草分三 升麻分三

蔓荊子分二 柴胡分三 川芎分二 細辛分二

內經曰陽氣者衛外而為固也今年高氣弱又加發汗

衛外之氣愈損故黃芪甘溫補衛實表為君人參甘溫當歸辛溫補氣補血芍藥味酸收衛氣為臣白朮陳皮炙甘草苦甘溫養衛氣生發陽氣上實皮毛腠理為佐柴胡升麻苦辛引少陽陽明之氣上升通百脈灌溉周身者也川芎蔓荊子細辛辛溫體輕浮清利空竅為使右件咬咀作一服水二盞煎至一盞去查溫服食後服之減半再服而愈

氣血俱虛

垣調中益氣湯加川芎蔓荊子細辛治氣血俱虛頭痛見

治法

實 **子和青黛散治頭風**

猪牙皂角 玄胡索分一 青黛抄
右為細末水調荳許鼻內灌之其涎自出先仰臥灌鼻俟喉中酸味即起身涎出口咬銅錢一文任流下

丹頭痛搐鼻取涎

葶撥 川芎 薄荷 白芷

細辛各等分

為末入猪膽內與汁拌勻陰乾再為末用無根水為丸如菘荳大青黛為衣每一丸茶清化灌鼻中口噙銅錢三文其涎來如泉一方有玄胡索藁本青黛無薄荷細辛

本治偏正頭風夾腦風并一切頭風不問年深日近尅日取効名透頂散

細辛表白者 瓜蒂七箇 丁香三粒 糯米七粒

腦子 麝香各一黑荳大

右將腦麝乳鉢內研極細却將前四味研勻另自治為末然後入乳鉢內盪起腦麝令勻用瓦甌子盛之謹閉

觀口患人隨左右搖之一大荳許良久出涎一升許則安

濕熱在頭必吐之

東垣云濕熱在頭而頭痛者必以苦吐之若用上項搖鼻藥而涎少者必兼下項吐法治之

聖治痰厥頭痛以烏梅十箇取肉鹽二錢酒半盞合水煎至七分去渣非時溫服吐即住

四頭痛難忍支風痰所致梔子末蜜和濃塗舌上吐即止

兵部集

頭痛非冷非風此膈有痰也濃煎茶啜一二升探吐之吐而又吐候苦汁出乃止不損人待渴自止妙

外臺秘要

予和茶調散瓜蒂好茶二味等分為末每服二錢薑汁調下空心用之 丹霞僧病頭痛常居暗室不敢見明其頭

熱痛以布圍其顛上置冰於其中日易數次熱不能已諸

醫莫識其證求見戴人戴人曰此三陽畜熱故也乃置炭火於煖室中出汗涌吐三法併行七日方愈 常仲明之

子自四歲得風痰疾至十五歲轉甚每月發一二次發必頭痛痛則擊數百拳出黃綠涎一二盞方愈此年發益頻

目見黑花昏不知人三四日方省諸醫皆用南星半夏化痰之藥終無一效戴人以雙解散發汗以苦劑吐痰病去

八九續以分劑平調自春至秋如此數次方獲全瘥

邪在胃必下之

邪在胃而頭痛者必下之其證必兼隔痞或動作則痛甚

或右手脈滑盛者是也治法並見脾胃條

風

東風生於春病在頭俞在頸項全文五臟春氣者病在頭惡風為胃

頭面多汗為首風

河新沐中風為首風頭面多汗惡風當先風一日則病甚至其風日則少愈大川芎丸主之

大川芎丸治首風旋暈弦急外合陽氣風寒相搏胃膈痰飲偏正頭疼身體拘攣

川芎斤一 天麻四兩用 鄆州者

右為末煉蜜丸每兩作十九每服一九細嚼茶酒下食後服

腦戶極冷為腦風

風氣循風府而上則為腦風項背怯寒腦戶極冷神聖散主之

神聖散治腦風邪氣留飲不散項背怯寒頭痛不可忍者

麻黃去節 細辛去苗 乾葛生一半 炒一半 藿香葉各等分

右為末每服二錢煮荆芥薄荷酒調下茶亦得并治血風證

又方治腦風邪氣留飲頭疼不可忍者用遠志末不以多少於鼻中搐於痛處揉之相兼前藥可用也

腦痛目暈為風痰

丹 頭疼連眼痛此風痰上攻須用白芷開之

雨前茶 川芎 白芷 防風

台烏 細辛 當歸 為末湯調服

世 偏正頭風川芎細辛防風白芷烏頭尖全蝎稍南星薑製麝香少許為末每一字温酒調服

丹 頭風方

羌活錢三 細辛錢一 川芎錢二 乾葛錢二

甘草半錢 防風錢二 半夏錢一

右除川芎細辛二味外研為末用酒和炒晒乾入川細二味末和勻每服一錢茶清調下

又方

荆芥 草烏尖片七 防風 甘草
台芎 蔓荆子 桔梗 麻黃

右為末茶調服

本治頭疼面赤煩悶咽乾上膈風痰頭目暈昏百節疼痛背項拘急芎辛丸

川芎

防風

僵蚕

獨活各一兩

桔梗三兩

麻黃

細辛

白附子

羌活

甘草各四兩

薄荷

荆芥各一兩半

右為細末煉蜜丸如彈子大每服一粒茶酒吞下食後

垣徹清膏

川芎三錢

蔓荊子一錢

細辛一分

藁本一錢

薄荷三分

生甘草半錢

炙甘草稍半錢

右為細末食後茶清調下一錢或半錢

本治頭目風荆芥穗細辛川芎等分為末飯後湯點二錢

凡治頭痛皆用芎芷羌防辛等溫氣藥升散者由風木

虛不能升散而土寡于畏得以壅塞而痛故用此助肝

木散其壅塞也若風盛踈散太過而痛服辛散藥反甚

者則宜用酸澁收而降之乃愈後乳香盞落散是也

羅乳香盞落散治男子婦人偏正頭疼不可忍大有神効

御米殼去蒂四兩

陳皮

甘草炙

桔梗去蘆

柴胡去苗各一兩

右為細末每服二錢水一鍾入燈心十莖長四指同煎

七分去查食後溫服

垣半夏白朮天麻湯治太陰痰厥頭痛眼黑頭旋惡心煩

亂方見

東垣先生壯歲病頭痛每發時兩頰青黃眩運目不欲開

懶於言語身沉體重兀兀欲吐數日方過潔古老人曰此

厥陰太陰合而為病名曰風痰宜以局方玉壺丸治之少

風虛則壅塞而痛宜辛散之

風盛則踈散而痛宜酸收之

風濕痰

風濕藥二味可加雄黃白朮以治風濕更有水煮金花丸更灸俠溪二穴各二十七壯不旬日愈是知方者體也法者用也徒知體而不知用者弊體用不失可謂上工信矣哉

丹徐舍人因作勞頭與目眶痛足冷身熱脈大而不甚數作勞痰治之

半夏二錢 川芎 黃芩 白朮

陳皮一錢半 木通一錢 甘草少許

分二貼煎薑一片下保和丸三十丸

羅茯苓半夏湯治風熱痰逆嘔吐或眩運頭痛

半夏三箇稍大者製 赤茯苓一錢 陳皮一錢湯洗 黃芩一分

甘草一錢

右用水二鍾生薑三片煎一盞分三服作一日溫服無

時

丹又治濕痰頭痛

黃芩酒炒三錢 蒼朮酒炒一兩 川芎 細辛各二錢

甘草一錢

為末搗生薑一片和勻茶清調服

賈孺人脈沉有痰頭痛

川芎一錢 澤瀉一錢酒炒 白朮一錢半酒

煎下茯苓丸三十粒茯苓丸方見痰飲門

聖治偏正頭疼併夾腦風連兩太陽頭痛以白僵蚕細研

為末用蔥茶調服方寸匕

右濕痰頭痛用半夏南星及酒朮酒芩燥其痰也風痰

頭痛用風藥餘者並見風頭痛條

素陽明所謂客孫脈則頭痛鼻鼾腹腫者陽明并於上上

鼻鼾腹腫邪在

者則其孫絡太陰也故頭痛鼻軌腹腫也脈解篇

孫館職學士張居易嗜酒散誕不為名利拘束忽發熱頭疼俾翰林醫官治之十日愈甚諸學士共議召孫孫至脈之曰餘人皆曰傷寒故作此疾也張學士好酒多痰食所傷也今疾非傷寒而右手脈甚數左手脈平和此必傷酒食而作頭痛宜喫食藥五七丸俟之半日進退決矣孫遂用食藥經食久膈漸寬頭痛遂減再進利膈藥遂獲安大凡陽邪頭疼經十日豈得不變發熱而狂亂故知非傷寒乃食病之過也

丹胡孺人因喫冷粉與肉頭痛自汗膈痞小便赤

白朮二錢半 陳皮一錢半 木通 川芎

黃芩各半錢

薑水煎熟吞下草薏薹丸阿魏丸保和丸各五十粒

脈動作頭重痛熱氣潮者屬胃謂胃有酒食及痰疾之類也

丹頭痛如破酒炒大黃半兩茶煎服

右以酒炒大黃下頭痛蓋病在胃而頭痛者必下之方愈也如孫兆以利膈藥下張學士傷食頭痛詳見本條郭茂恂以黑龍丹下其嫂金華君產後汚血頭痛詳見產後頭痛皆下咽即安是也

心火心煩頭痛病在膈中過在手巨陽少陰東垣清空膏之類

治之全文見治虛實後法

腎水頭痛巔病下虛上實過在足少陰巨陽甚則入腎頭痛全見治虛實法

許學士謂之腎厥頭疼也用玉真丸治之東垣云此寒濕

頭痛氣上而不下也玉真丸方見寒濕條

運氣運氣頭痛有四

一曰火鬱於上而痛經云少陽司天之政初之氣風勝乃搖候乃大濕其病氣佛於上頭痛二之氣火反鬱白埃四起其病熱鬱於上頭痛又云少陽司天火淫所勝民病頭痛發熱惡寒而瘡治以寒劑為君也

二曰寒氣逐熱氣上行而痛經云歲金不及炎火乃行復則陰厥且格陽反上行頭腦戶痛延及腦頂發熱又云太陽之勝熱反上行頭項頂巔腦戶中痛目如脫又云太陽之復心痛痞滿頭痛治以熱劑為君也

三曰濕邪傷腎膀胱而痛經云太陰司天濕淫所勝腰脊頭項痛時眩又云太陰在泉濕淫所勝病衝頭痛目似脫項似拔又云太陰之復頭項痛重而掉慙尤甚亦治以熱劑為君也

四曰陽明復氣兼非位之心病而痛經曰陽明之復欬噦

雜方

垣白芷散治風頭痛搐鼻

- 石膏錢二
- 薄荷錢三
- 芒硝錢二
- 鬱金

右細末口噙水搐鼻若症在太陽加羌活二錢防風一錢紅荳二粒為末搐之

川芎散搐鼻

- 青黛錢二
- 蔓荊子
- 川芎各一錢
- 鬱金

- 芒硝各一錢
- 石膏錢二分
- 細辛根錢一
- 薄荷葉錢二

紅荳粒一

右為末搐鼻

丹瘦人搐鼻藥

- 軟石膏
- 朴硝錢半
- 腦子
- 檀香皮
- 荊芥
- 薄荷葉各一錢
- 白芷
- 細辛各三錢

羅如聖散治眼目偏痛頭風

麻黃燒灰半兩 盆硝二錢半 麝香

腦子各少許

右件為細末搐之神効

又方

楊梅青 硝石 伏龍肝等分

右為末搐鼻立効

河瓜蒂神妙散治偏正頭目昏眩及偏正頭痛

焰硝 雄黃 川芎 薄荷葉

道人頭即蒼耳子 藜蘆各一分 天竺黃一錢半

右為細末含水鼻中搐一字神驗

右六方搐鼻治頭痛屬熱者也

本治八般頭風

草烏尖 細辛等分 黃丹少許

右為細末葦管插入鼻中立効

丹治卒頭上痛皂莢末吹鼻嚏則止斗門方

世火筒散治頭風應驗方

蚯蚓糞四錢 乳香二錢 麝香少許

右為末用紙筒自下燒上吸烟搐鼻內神効

仲頭風摩散方

大附子一枚 食鹽等分

右二味為末以方寸七摩疹上令藥力行

聖治風頭痛每天欲陰風雨先發者用桂心一兩為末以

酒調如膏用傳頂上并額角

治頭風餅子

五倍子 全蝎 土狗七箇

右為末醋糊作如錢大餅子發時再用醋潤透貼太陽

穴上灸熱貼之驗甚仍用帕子縛之吸濃茶睡覺即愈
聖治時氣頭痛不止用朴硝二兩為末生油調塗於頂上
經患頭風山荳根搗末油調塗之

食治熱風頭痛燒杏仁令烟盡去皮尖以亂髮裹之咬於
所患處齒下其痛便止

世偏正頭痛風醉頭風以草麻子九粒先用米調成膏塗
茶碗底却用火燒草麻仁烟出以茶碗覆薰烟上候烟盡
用少湯衝開服之覺額上痒是効

丹頭內如虫蛀響名天白蟻用茶子細末吹鼻中周氏方

靈厥頭痛面若腫起而煩心取之足陽明太陰厥病篇下同

厥頭痛頭脈痛心悲善泣視頭動脈反盛者刺盡去血後

調足厥陰頭痛項胛盛者取血與厥陰厥頭痛貞貞都耕切頭重而痛

瀉頭上五行行五先取手少陰後取足少陰 厥陰頭痛

針灸

意善忘按之不得取頭面左右動脈後取足太陰 厥頭

痛項先痛腰脊為應先取天柱後取足太陽經云頭目苦痛取之項中

兩筋間蓋風府穴也又云足太陽脈是動則衝頭痛目如脫項似拔所生病者頭顛項痛故應頭痛取足太陽也

厥頭痛頭痛甚耳前後脈湧有熱瀉出其血後取足少

陽經云足少陽脈從耳後入耳中出走耳前所生病者頭痛故耳前後脈湧熱者取足太陽也真頭

痛頭痛甚腦盡痛手足寒至節死不治 頭痛不可取于

膺者有所擊墮惡血在于內若肉傷痛未已可側刺不可

遠取也 頭痛不可刺者大痺為惡日作者可令少愈不

可已 陽迎頭痛腦滿不得息取之人迎陽迎即陽逆也又云肝氣逆則

頭痛耳聾頰腫取血者是瘀血腫滿處取之也

偏正頭風 絲竹空沿皮向外透率谷 風池橫針入寸半透風府 合

谷半寸已上穴未愈再取 解溪 三里 中腕中腕一穴灸五分壯 合

集正頭風 百會一分灸七壯 上星二分灸七壯三 合谷

不愈 再取 神庭灸七壯 太陽在兩額角眉後紫脈上三稜針出血亦得

醉頭風穴內攢竹一 印堂一分灸五壯 攢竹一分沿皮橫透魚腰 三

里 寘中灸 風門沿皮向

摘頭風 面腫項強不得回顧 天牖五分留七呼不宜補亦不宜灸若灸之則

面腫脹合當取下穴 謔謔六分留三呼瀉五吸後取天牖風池即瘥此古流注之法

繫頭風 後谿 京骨

右手足太陽

玉頭痛 嘔吐 神庭一分 印堂在兩眉中沿皮透左攢竹補三吸轉掃元穴退針沿

皮透右攢竹補三吸

摘風痰 頭痛 豐隆五分灸亦得 腎厥頭痛 湧泉三分彈針出血

嘗治一老婦人頭痛久歲不已因視其手足有血絡皆

紫黑遂用三稜針盡刺出其血如墨汁者數盞後視其

受病之經灸刺之而得全愈即經所謂大痺為惡及頭

痛久痺不去身視其血絡盡出其血是也

甲腦風 頭痛惡見風寒 鼻窒喘息不通 承靈主之

頭痛身熱引兩頷急一作痛 腦空主之 頭痛目窻天衝風

池主之已上諸穴在頭部第三行也 善嚏頭痛身熱頷厭主之 熱

病頭痛引目外眥而急煩滿汗不出引頷齒面赤皮疼懸

釐主之 熱病偏頭痛引目外眥懸釐主之 醉酒風熱

發兩角眩兩目 痛不能飲食煩滿嘔吐率谷主之千金云此條在

風篇 頸額摺滿引牙齒口噤不開急痛不能言曲鬢主之

已上諸穴皆在耳前也 頭痛引頸竅陰主之 頭風耳後痛煩心

及足不收失履口喎僻頸項搖癭牙車急完骨主之已上諸穴

皆在耳後也 頭目瞳子痛不可以視俠項強急不可以顧陽

白主之 頭痛目眩頸項強急胸脇相引不得傾側本神

主之已上諸穴皆在面部也 頭痛振寒清冷淵主之 頭痛項背

急消灑主之 頭風痛鼻軌衄眉頭痛善嚏目如欲脫汗
出寒熱面赤頰中痛項強不可左右顧目系急懸痙攣竹
主之 頭眩痛重目如脫項似拔在見鬼目上反項直不
可顧暴攣足不任身痛欲拆天柱主之 風眩頭痛鼻不
利時嚏清涕自出風門主之 暴病頭痛身熱痛肌肉動
耳聾惡風目皆爛赤項不可以顧髀樞痛泄腸辟束骨主
之 風眩頭痛少海主之 厥頭痛面浮腫煩心狂見鬼
喜笑不休發於外有所大喜喉痺不能言豐隆主之 陽
厥凄凄而寒少腹堅頭痛脛股腹痛消中小便不利善嘔
三里主之 厥頭痛面腫起商丘主之 厥頭痛孔最主
之 頭重頂痛目不明風到腦中寒重衣不熱汗出頭中
惡風刺腦戶主之 頭重目瞑厥寒熱項強難以顧汗不
出陶道主之 頭痛如破身熱如火汗不出癰痲裏急腰

診

股相引痛命門主之

素寸口之脈中手短者曰頭痛平人氣象論

推而下之而下而

不上頭項痛

脈診頭痛目痛久視無所見者死久視不見見諸脈病雜法下而不上甲乙經作

卒視上而不下者是病若頭痛目痛脈急短濇死未詳其義

產後頭痛

血虛

大一奇散治產後頭疼用當歸川芎為細末每服二錢水

一盞煎七分溫服

寒熱

丹產婦年三十餘身熱頭痛肚痛

陳皮

白朮

白芍各二錢

黃芩二錢

川芎錢一

乾薑

牡丹皮

甘草各一錢半

荆芥錢半

分四貼煎服

保治產後頭痛血虛痰癖寒厥皆令頭痛加減四物湯

蒼木一兩 羌活 川芎 防風

香附炒 白芷各一 石膏二兩 細辛乙兩

當歸 甘草各五錢

右麤末每一兩水煎服無時如有汗者知氣弱頭痛也
方中加芍藥三兩桂一兩半生薑煎 如痰癖頭痛加
半夏三兩茯苓一兩生薑煎 如熱痰頭痛加白芷三
兩石膏三兩知母一兩 如寒厥頭痛加天麻三兩附
子一兩半生薑三片煎服

敗血

大芎附散治產後敗血作梗頭痛諸藥不効

右大附子一枚醱醋一碗用火四畔灸透蘸醋令盡去
皮臍加川芎一兩並為細末每服一錢茶清下

郭茂恂嫂金華君產七日不食始言頭痛頭痛已又心痛

作既而目睛痛如割如刺更作更止相去無瞬息間每頭
痛甚欲取大石壓良久漸定心痛作則以十指抓壁血流
滿掌痛定目復痛又以兩手自剜取之如是十日不已衆
醫無計進黑龍丹半粒疾少間中夜再服下瞑目寢如平
昔至平旦下一行約三升許如蝗虫子三疾減半已刻又
行如前則頓愈矣 黑龍丹方見產後血不下條

偏頭風

頭半邊痛者是也當助痛相參用之

大法

丹偏頭風 有痰者多

左屬風 荆芥 薄荷 左屬血虛 川芎 當歸

右屬痰 蒼朮 半夏 右屬熱 黃芩

熱

羅川芎散治偏頭痛神効

甘菊 石膏 川芎 白僵蚕生各六錢

右為極細末每服三錢茶清調下

潔治頭痛連睛痛

石膏

鼠粘子炒

右為末茶清食前調下

垣細辛散治偏頭風

細辛二分

川芎七分

柴胡二錢

黃芩酒炒一錢

生黃芩五分

瓦粉二分

甘草炙一錢半

黃連酒炒七分

芍藥半錢

右咬咀每服三錢水煎食後溫服之

寒濕

經治偏頭痛絕妙葶藶末一兩於食前用清粥飲調半

錢服

本治風寒客於頭中無時疼痛牽引兩目遂至失明宜白

附散

白附子一兩

麻黃不去節

川烏

南星各半兩

全蝎五箇

乾薑

硃砂

麝香各一分

右為細末酒調一字服畧睡少時効一族人患頭痛不

可忍一服瘥

治偏頭風

猪牙皂角

去皮筋

香白芷

白附子各等分

右為末每服一錢臘茶調下右疼右邊臥左疼左邊臥

皆疼仰臥食後服

丹偏頭風葶藶猪膽搐鼻中

本治偏頭風用好蘿蔔自然汁一蜺殼許令患人仰臥左

疼注左右疼注右或兩邊皆疼皆注之雖十年患者亦効

王荆公患十二年用之立効後醫數人皆愈此禁中秘方

針灸

靈頭半寒痛先取手少陽陽明後取足少陽陽明厥病篇

雷頭風

頭痛而起核塊者是也

子和凡雷頭懶于俗呼之謬名也可用茶調散吐之次用神芎丸下之然後服烏荊丸及愈風餅子之類衰者可用涼膈散消風散熱

實者下之

茶調散方

見上下部即二仙散是也

大黃

黃芩各二兩

牽牛

滑石各四兩

右為細末滴水為丸如小豈大溫水下十五丸每服加十丸以利為度日三服

表散

愈風餅子

川烏炮半兩

川芎

甘菊

白芷

防風

細辛

天麻

羌活

荊芥

薄荷

甘草炙已上各一兩

右為細末水浸蒸餅為劑捏作餅子每服三五餅細嚼

茶酒送下不計時候

涼膈散

方見前寒熱條

保夫治雷頭風者諸藥不効為與證不相對也蓋雷頭風者震卦主之震仰盂故予製藥內加荷葉者象震之形其色又青乃述類象形當煎局方中升麻湯主之

升麻湯治頭面疔瘡增寒拘急發熱狀如傷寒

升麻

蒼朮

荷葉

右為細末每服五錢水一盞煎七分溫服食前後或燒全荷葉一箇研細調藥服之妙

針灸

雷頭風者是頭上有赤腫結核或如酸棗狀可用排

針出血則愈矣

素雷頭風 上顛 百會 風池

大頭痛

上熱

頭痛如腫大如斗是也大率多是天行時疫病

泰和年東垣以監納濟源稅時長夏多疫癘初覺憎寒體重次傳面目腫盛目不能開上喘咽喉不利舌乾口燥俗云大頭天行親戚不相訪問如染之多不救張縣丞亦得此證至五六日醫以承氣湯加藍根下之稍緩翌日其病如故下之又緩終莫能愈漸至危篤或曰李明之存心於醫可以請治遂命診視具說其由曰夫身半已上天之氣也身半已下地之氣也此雖邪熱客於心肺之間上攻頭而為腫盛以承氣下之瀉胃中之實熱是誅罰無過殊不知適其病所為故遂處方用黃連黃芩味苦寒瀉心肺間熱以為君橘紅玄參苦寒生甘草甘寒瀉火補氣以為臣連翹鼠粘子薄荷葉苦辛平板藍根味甘寒馬屁勃白僵蚕味苦平散腫消毒定喘以為佐新升麻柴胡苦平行少陽陽明二經不得伸桔梗味辛溫為舟楫不令下行共為細末用湯調時時服之拌蜜為丸噙化之服盡良愈因歎曰往者不可追來者尤可及凡他所有是病者皆書方以貼之全治甚眾

普濟消毒飲子

黃芩

黃連

人參

橘紅

玄參

甘草

連翹

鼠粘子

板藍根

馬屁勃

白僵蚕

升麻

柴胡

桔梗

右為細末服如前法或加防風薄荷川芎當歸身咬咀如麻荳大每服五錢水煎去查熱服之食後時時服之如大便硬加酒煨大黃一錢或二錢以利之腫熱甚者宜砭刺之

海大頭病者雖在身半以上熱伏于經以感天地四時非節瘟疫之氣所着以成此疾至於潰烈膿出而又染他人所以謂之疫癘也大抵足陽明邪熱太甚實資少陽相火爲之熾多在少陽或在陽明甚則逆傳視其腫勢在何部分隨其經而取之濕熱爲腫木盛爲痛此邪發於首多在兩耳前後所先見出者爲主爲根治之宜早藥不宜速恐過其病所謂上熱未除中寒已作有傷人命矣此疾是自外而之內者是爲血病况頭部分受邪見於無形之處至高之分當先緩而後急先緩者謂邪氣在上着無形之部分既着無形所傳無定若用重劑大瀉之則其邪不去反過其病矣雖用緩藥若又急服之或食前或頓服咸失緩體則藥不能除病矣當徐徐清無形之邪或藥性味形體據象服餌皆須不離緩體及寒藥或酒炒浸之類皆是也後急者謂前緩劑已經高分瀉邪氣入於中是到陰部染於有形質之所若不速去反損陰也此却爲客邪當急去之是治客以急也且治主當緩者謂陽邪在上陰邪在下各爲本家病也若急治之不惟不能解其紛而反致其亂矣此所以治主當緩也治客當急者謂陽分受陽邪陰分受陰邪主也陰分受陽邪陽分受陰邪客也凡所謂客者當急去之此治急以客也假令少陽陽明之爲病少陽爲邪者出於耳前後也陽明者首面大腫也先以黃芩黃連甘草通炒過剉煎少少不住服呷之或服畢再用大黃或酒浸或煨又以鼠粘子新瓦上炒香咬咀煎去查內芒硝各等分亦細呷之當食後用徐得微利及邪氣已只服前藥如不已再服後藥依前次第用之取大便利邪已卽止如陽明渴者加石膏少陽渴者加瓜蒌根湯陽明行

經加升麻葛根芍藥之類太陽行經加羌活防風荆芥之類選而加之並與上藥均合不可獨用散也

潔黑白散治大頭病如神

烏黑蛇酒浸 白花蛇去頭尾酒浸

雄黃二錢

大黃煨半兩

右為極細末每服一二錢白湯調無時

淫疫毒頭腫者甘桔湯加鼠粘子大黃芒硝

丹大頭天行病

羌活 酒蒸大黃

厥

素巨陽之厥則腫首頭重全文見厥

山大頭風用井底泥調大黃芒硝塗之此方若在表者忌之在裏者宜之

運氣

運氣大頭病皆屬火蓋經所謂上腫者即其屬也經云少陽司天之政風熱參布大陰橫流寒乃時至民病上怫腫

色變又云少陰司天之政熱病生於上清病生於下民病

嗌乾腫上終之氣燥令行餘火內格腫於上咳喘其治方

東垣普濟消毒飲子得之矣

眉痛

風熱痰

丹眉痛屬風熱與痰作風痰治類頭風用白芷酒黃芩末酒調下

又方

川烏 草烏二味為君童便浸炒

細辛

羌活 黃芩 甘草各等分為佐

垣選奇湯眉骨痛不可忍

防風 羌活各三錢 酒黃芩一錢冬不用如能食熱痛者加之

甘草三錢夏生冬灸用

右咬咀每服三錢水煎稍熱服食後時時

針灸

撮英眉攢內痛 解溪

玉眉間痛 攢竹瀉出血沿皮透魚腹

頭維一分沿皮斜向下透懸懸選而用之不必

取盡眉稜骨痛 攢竹 合谷 神庭

頭重

濕氣

垣紅豆散治頭重如山此濕氣在頭也

麻黃根炒半錢 苦丁香半錢 紅荳十粒 羌活燒

連翹各三錢

右五味為細末鼻內搐之

又方

羌活根燒 連翹各三錢 紅荳半錢 右為末搐鼻

針灸

督脈之別名曰長強挾脊上項散頭上下當肩胛左右別走太陽虛則頭重高搖之挾脊之有過者取之所別也全

見針灸○長強穴在脊際即尾骨端也

撮頭重如石

印堂一分沿皮透攢竹先左後右彈針出血

頭風屑

表裏虛實

羅肝經風盛木自搖動尚書云滿招損老子云物壯則老故木凌脾土金來克之是子來為母復仇也使梳頭有屑皮見肺之證也謂肺主皮毛大便實瀉青丸主之虛則消

風散主之瀉青丸方見治虛實法

消風散治諸風上攻頭目昏痛項背拘急肢體煩痛肌肉蠕動目眩旋運耳簫蟬鳴眼澁好睡鼻塞多嚏皮膚頑麻燥痒癩疹又治婦人血風頭皮腫痒眉骨疼旋欲倒痰逆惡心

芩薺 羌活 人參 茯苓去皮

白僵蚕 藿香去土 荆芥 甘草炒

蟬殼去土各兩 厚朴去皮薑製 陳皮去白各兩 防風

雜方

右為細末每服二錢茶清調下如久病偏頭風每日三服便覺輕減如脫着沐浴暴感風寒頭痛身重寒熱倦疼用荆芥茶清調下半盞不拘服之小兒虛風目溢昏倦及急慢驚風用乳香荆芥湯調下亦得

丹頭痺風屑發黃用酒炒大黃茶調服

海萬病紫苑丸治頭多白屑每服三九至五七九薑湯下

方見積塊條

本治風屑極燥痒無時此乃氣虛風邪侵於皮表而生用藜蘆不拘多少為末先洗頭須避風候未至十分乾時用末糝之須用入髮至皮方得緊縛之兩日夜次日即不燥痒如尚有些少可再用一次立効

禹錫按陳藏器云鹽麩子主頭風白屑効俗名麩鹽桃其末結五倍子

經患頭上白屑極多山荳根油浸塗以孩兒乳汁調塗効

本又方

白芷

零零香

各等分

右為末如前法用之候三五日篋去傳三二次終始不生

多臥

不得臥

陰陽榮衛

靈黃帝曰病而不得眠者何氣使然岐伯曰衛氣不得入於陰常留於陽留於陽則陽氣滿陽氣滿則陽躄盛不得入於陰則陰氣虛故目不瞑矣又曰病目不得視者何氣使然岐伯曰衛氣留於陰不得行於陽留於陰則陰氣盛陰氣盛則陰躄滿不得入於陽則陽氣虛故目閉也大惑論

足太陽有通項入于腦者正屬目本名曰眼系頭目苦痛取之在項中兩筋間入腦乃別陰躄陽躄陰陽相交陽入陰陰出陽交于目銳眥以躄脈考之當作目內眥陽氣盛則瞋目陰

陰盛則瞑目

寒熱論

帝問曰夫邪氣之客入也或令人目

不瞑不臥出者何氣使然伯高曰衛氣者晝日行於陽夜

行於陰常從足少陰之分間行於五臟六腑今厥氣客於

五臟六腑則衛氣獨衛其外行於陽不得入於陰行於陽

則陽氣盛陽氣盛則陽蹇陷陷當作滿不得入於陰陰氣虛故

目不瞑黃帝曰治之奈何伯高曰補其不足瀉其有餘調

其虛實以通其道而去其邪飲以半夏湯一劑陰陽已通

其臥立至黃帝曰善此所謂決瀆壅塞經絡大通陰陽和

得者也愿聞其方伯高曰其湯方以流水千里以外者八

升揚之萬遍取其清五升煮之炊以葦薪火沸置秫米一

升治半夏五合徐炊令竭為一升半去其查飲汁一小杯

日三稍益以知為度故其病新發者覆杯則臥汗出則已

矣久者三飲而已也邪客篇曰按本草秫米即所謂糯米是也黃帝曰人之

多臥者何氣使然岐伯曰此人腸胃大而皮膚濕而分肉

不解焉腸胃大則衛氣留久皮膚濕則分肉不解其行遲

夫衛氣者晝常行於陽夜行於陰故陽氣盡則寐陰氣盡

則寤故腸胃大則衛氣行留久皮膚濕分肉不解則行遲

留於陰也久其氣不清則目瞑故多臥矣其腸胃小皮膚

滑以緩分肉解則衛氣之留於陽也久故少瞑焉黃帝曰

其非常經也卒然多臥者何氣使然岐伯曰邪氣留於上

焦上焦閉而不通已食若飲湯衛氣留久於陰而不行故

卒然多臥焉大惑篇

膽寒熱

海膽虛不眠寒也酸棗仁炒竹葉湯調服聖惠方膽實多

睡熱也酸棗仁生用末茶薑汁調服濟衆方○一法酸棗仁

兩以生薑汁塗灸微焦搗羅為末每服二錢水七分盞煎六分溫服無時不得臥

虛勞

仲虛勞虛煩不得眠酸枣湯主之

酸枣仁二升

甘草一兩

知母

茯苓

芎藭各二兩一方加生薑二兩

右以水八升煮酸枣仁得六升內諸藥煮取三升分温三服

本治膽虛不得眠四肢無力驚甲丸

驚甲

酸枣仁

羌活

牛膝

黃芪

人參

五味子各等分

右為細末煉蜜杵為丸如桐子大每服三四十九丸温酒送下

聖治骨蒸勞煩心不得眠用酸枣仁一兩水一大盞半研絞取汁下米二合煮粥候熟下地黃汁一合更煮過不計時服之

素帝曰人有臥而有所不安者何也岐伯曰藏有所傷及精有所寄之則安故人不能懸其病也精有所寄之則安太素作精有所倚

則臥不安是也

海胡洽治振悸不得眠人參白朮茯苓甘草生薑酸枣仁

六物煮服

肝虛

本真珠母丸治肝經因虛內受風邪臥則寬散而不收狀若驚悸

珠母三分研細用碾當歸

熟地各一兩半

人參

酸枣仁

栝子仁

犀角

茯苓各一兩

沉香

龍齒各半錢

右為細末煉蜜為丸如桐子大辰砂為衣每服四五十丸金銀薄苛湯下日午後臥服

獨活湯

獨活

羌活

人參

前胡

細辛

半夏

五味子

沙參

白茯苓

酸棗仁

甘草各一兩

右為粗末每服四大錢水一盞半薑二片烏梅半箇同煎至七分去查不拘時候

紹興癸丑予待次四明有董生者患神氣不寧每臥則鬼飛揚覺身在牀而神鬼離體驚悸多魘通夕無寐更醫不効予為診視詢之曰醫作何病治董曰衆皆以為心病予曰以脈言之肝經受邪非心病也肝氣因虛邪氣襲之肝藏魂者也遊魂為變平人肝不受邪臥則魂歸於肝神靜而得寐今肝有邪魂不得歸是以臥則鬼飛揚若離體也肝主怒故小怒則劇董欣然曰前此未之聞雖未服藥已覺沉痾去體矣願求治之予曰公且持此說與衆醫議所

治之方而徐質之閱旬日復至云醫徧議古今方無與病相對者故予處此二方以贈服一月而病悉除此方用真珠母為君龍齒佐之真珠母入肝經為第一龍齒與肝同類也龍齒虎睛今人例以為鎮心藥殊不知龍齒安魂虎睛定魄各言其類也蓋東方蒼龍木也屬肝而藏魂西方白虎金也屬肺而藏魄龍能變化故魂遊而不定虎能專靜故魄止而有守予謂治鬼不寧者宜以虎睛治魂飛揚者宜以龍齒萬物有成理而不失在夫人達之而已

肝虛則脾之水飲作

疝羌活勝濕湯加柴胡治臥而多驚邪在少陽厥陰也方見前諸水病者故不得臥臥則驚驚則欬甚也全文見水腫

肝虛則脾之

內經半夏湯治不得臥乃去飲之劑也方見前無溫膽湯治大病後虛煩不得眠兼治驚悸方見驚悸

脾之

丹煩不得眠六乙散加牛黃服之即益元散

思慮勝

子和一富家婦人傷思慮過甚二年不得寐無藥可療其夫求戴人治之戴人曰兩手脈俱緩此脾受邪也脾主思故也乃與其夫議以怒激之多取其財飲酒數日不處一法而去其婦大怒汗出是夜困眠如此者八九日不寤自是食進其脈得平此因膽虛不能制脾之思慮而不寐今激之怒膽復制脾故得寐也

診

素陽明者胃脈也胃者六腑之海其氣亦下行陽明逆不得從其道故不得臥也下經曰胃不和則臥不安此之謂也逆調論

喘不得臥 以喘法治之

厥不得臥 以腳氣法求之

素帝曰人之不能偃臥者何也岐伯曰肺者藏之蓋也肺氣盛則肺大肺大則不能偃臥

針灸

撮膽寒不得臥 竅陰一分補之灸

用驚不得眠善斷水氣上下五臟遊氣也陰交主之 不得臥浮郄主之

多臥

濕熱

子和陳州長史一小兒病寐而不寤三日諸醫作睡驚治之或欲以艾火灸之或以大驚丸及水銀餅子治之其父曰此子平日無疾何驟有驚乎以子之病問戴人戴人診其兩手脈皆平和戴人曰若驚風之脈當洪大而強今則平和非驚風也戴人竊問其乳母爾三日前曾飲酒醉否遽然笑曰夫人以煮酒見餉酒味甚美三飲一罌而睡夫陳酒味甘而戀膈酒氣滿乳兒亦醉也乃剉甘草乾葛葛花縮砂仁貫衆煎汁啜之立醒

運氣

運氣多睡皆屬內熱經云陽明司天之政初之氣陰始凝氣始肅病中熱善眠是也

針灸

怪穴困睡多 無名指第二節尖灸一壯屈手指取之

咽喉 喉痺 咽噎痛 乳蛾 喉中

介介如梗 諸物梗咽 項頸強痛

法咽喉大

經云一陰一陽結謂之喉痺又云肝者中之將也取決於

素喉主天氣咽主地氣太陽陽明論地氣通於噎全文見五

下接連胸中肺葉之間噎即咽之低處也咽即噎之高处也

咽喉者水穀之道也喉嚨者氣之所以上下者也會厭者

音聲之戶也懸壅者音聲之關也全文見瘡

子咽與喉會厭與舌此四者同在一門而其用各異喉

以納氣故喉氣通於天咽以納食故咽氣通於地會厭管

乎其上下以司開闔掩其喉則其食下不掩之其喉錯必舌

抵上齶則會厭能閉其喉矣四者交相為用闕一則飲食

瘳而死矣

喉痺

法喉痺大

凡經云喉痺者謂喉中呼吸不通言語不出而天氣閉塞

也云咽痛云噎痛者謂咽喉不能納唾與食而地氣閉塞

也云喉痺咽噎痛者謂咽喉俱病天地之氣並閉塞也蓋

病喉痺者必兼咽噎痛病咽噎痛者不能兼喉痺也今以

喉咽俱病諸方並入喉痺門中

証惡寒寸脈小者皆為表

喉痺惡寒及寸脈小弱於關尺者皆為表證宜甘桔湯半

夏桂枝甘草湯詳寒熱發散之若水漿不得入口者用解

毒雄黃丸四五粒以極酸醋磨化灌入口內吐出濃痰却

服之間以生薑自然汁一蜆殼噙下之神効按喉痺惡寒者皆是寒折熱寒閉於外熱鬱於內薑汁散其外寒則內熱得伸而愈矣切忌膽礬酸寒等劑點

喉反使其陽鬱結不伸又忌硝黃等寒劑下之反使其陽下陷入裏則禍不旋踵矣韓祗和云寸脈弱小於關者宜消陰助陽垣云兩寸脈不足乃陽氣不足故用表藥提其氣升以助陽也或三部俱小弱亦可用其法也喉痺鄉村病皆相似者屬天行運氣之邪治必先表散之亦大忌酸藥點之寒藥下之鬱其邪於內不得出也其病有二

運氣
熱邪以
寒表之

其一屬火經云少陽所至為喉痺又云少陽司天之政三之氣炎暑至民病喉痺治宜仲景桔梗湯或面赤斑者屬陽毒宜陽毒諸方汗之

寒邪以
熱表之

其二屬濕經云太陰之勝火氣內鬱喉痺又云太陰在泉濕淫所勝病噎腫喉痺治宜活人半夏桂枝甘草湯或面青黑者屬陰毒宜陰毒諸方汗之

仲桔梗湯治傷寒客熱咽痛方見傷寒咽痛○海藏加鼠粘子竹茹

無荆芥湯治咽喉腫痛語聲不出噤之痛甚

荆芥半兩 桔梗二兩 甘草一兩

右剉散每服四錢水一盞薑三片煎六分去渣溫服

活半夏桂枝甘草湯治暴寒中人咽痛方見傷寒咽痛

無治卒喉痺不得語小續命湯加杏仁七箇煎甚妙續命湯方

見中風門

五香散治喉咽腫痛毒氣結塞不通

木香 沉香 雞舌香各一兩

麝香另研三錢

右為末入麝香研勻每二錢水一盞煎服不拘時

本治中風急喉痺欲死者白僵蚕搗篩為末生薑自然汁

調下喉立愈丹溪云僵蚕屬火而有土與木老得金氣而僵治喉痺者取其火中清化之氣以從治相

火散濁逆
結滯之疾

陳附子去皮炮令拆以蜜塗上炙之令蜜入內含之勿咽其汁主喉痺

和如聖勝金錠治咽喉急閉腮頰腫痛并单蛾結喉重舌木舌

硫黃細研一兩半 川芎一兩 膈茶 薄荷去根梗各半兩

貫衆二兩 硝石研四兩 荆芥二兩

右為末生蔥汁搜和為錠每服先用新汲水灌嗽次嚼生薄荷五七葉却用藥一錠同嚼極爛并水嚥下甚者連進三服并以一錠安患處其病隨藥便消

羅征南帥不隣吉歹病咽痛下利方見表熱裏寒門

洪武戊辰春鄉村病喉痺者甚眾蓋前年終之氣及當年年初之氣二火之邪也予累用甘桔湯加黃連半夏

蚕鼠粘子根等劑發之挾虛者加參芪喘輩水漿不入者先用解毒雄黃丸醋磨化之灌喉痰出更用生薑汁灌之却用上項藥無不神驗若用膽礬等酸寒點過者皆不治蓋邪鬱不出故也

喉閉者
先取痰

羅解毒雄黃丸治纏喉風及急喉閉卒然倒仆牙關緊急

雄黃 鬱金各一分 巴荳去皮油十四箇

右為細末醋糊為丸棗荳大茶清下七丸吐出頑痰立甦未吐再服如至死者心頭猶熱灌藥不下斡口開灌之下咽無有不治如小兒驚熱痰涎壅塞或二九三九量小大加減一法用雄黃丸三粒醋磨化灌之尤妙其痰立出即瘥

大治纏喉風雄黃一塊新汲水磨急灌吐瘥

丹纏喉風屬熱痰宜用鷺翎蘸桐油探吐之又法用射干

逆流水吐之

世遠志去心為末每半錢水小半盞調服口合竹管吐痰涎極捷治喉痺如神

烏犀角膏治咽喉腫痛及一切結喉爛喉道尸纏喉痺喉急喉飛絲入喉重舌木舌等證

皂莢

兩條子搥碎用水三升浸一時久按汁去查入瓦器內熬成膏

好酒合一

礞石

百草霜

研一錢同皂角膏攪勻令稠

人參一錢為末

鴨砂

白霜梅

各少許並研入膏中

右拌和前藥用鷺毛點少許於喉中以出盡頑涎為度却嚼甘草二寸嚥汁吞津若木舌先以麈布蘸水指舌

冷次用生薑片擦之然後用藥

山纏喉風皂角揉水灌下得吐愈

斗治纏喉風喉痺飲食不通欲死者用反蒐草根一莖淨洗內入喉中取寒痰出即瘥神驗更以馬牙硝津蘸之即

絕根反蒐草一名紫苑

世治咽痛用土烏藥即矮樟根以醋兩盞煎一盞先噙後

嚥吐出痰涎為愈

杜治纏喉風束氣不通用蛇蛻灸黃當歸等分為末溫酒

調下一錢七得吐愈

牙閉閉者搗鼻取痰

羅備急如聖散治時氣纏喉風漸入咽塞水穀不下牙關緊急不省人事

雄黃細研

藜蘆生用

白礬飛

猪牙皂角去皮

炙黃

右等分為細末每用一荳大鼻內搗之立効

世一字散治喉閉氣塞不通飲食不下

雄黃另研一分

蝎稍七枚

白礬生研

藜蘆各一錢

猪牙皂角七錢

右為末每用一字吹入鼻中即時吐出頑涎為愈

治喉咽痛牙關緊急用巴荳去殼以紙壓出巴荳油在紙上以此紙作撚子點火吹滅以烟薰入鼻中即時口鼻涎流牙關開矣

不惡寒寸脈大者皆屬下証

喉痺不惡寒者及寸脈大滑實於關尺者皆屬下證宜硝石青黛等寒藥降之或白礬等酸劑收之也韓祗和云寸脈大於關尺者宜消陽助陰東垣云兩寸脈實為陰盛陽虛下之則愈故予每用此法治急喉痺如鼓應桴或三部俱實亦可用其法也

無玉鑰匙治風熱喉痺及纏喉風

硃硝半兩

鵝砂兩

腦子一字

白僵蚕一分

右為末以竹管吹半錢入喉中立愈

世治喉痺咽痛用蒲黃甘草青黛芒硝等分為末時時嚥

荳許神効

外療喉痺神驗朴硝一兩細細含嚥汁立愈

無玉屑無憂散治纏喉風咽喉疼痛語聲不出咽物有碍

或風涎壅滯口舌生瘡大人酒癥小兒妳癖或悞吞骨屑哽塞不下

玄參

貫衆

滑石

砂仁

黃連

甘草

茯苓

山荳根

荆芥各半兩

寒水石煨

鵝砂各三錢

右為末每服一錢先抄入口以清水嚥下此藥除三尸去八邪辟瘟療渴

治喉痺呼吸不通須臾欲絕絡石草二兩水升半煎取

二盞去查細細呷之立通

外臺秘要曰本草云絡石味苦溫微寒無毒主風熱

治喉痺白瑞香花根寸許研細調灌之妙白瑞香藥性未詳

葛卒喉痺取黃栢片含之又黃栢一斤咬咀酒一斗煮二沸去渣恣飲便愈

世喉痺水穀不下蘿蔔汁咽之甚佳蘿蔔下氣甚速

丹又方李實根一片噙口內佳 治風熱痰喉痺先以干緡湯次以四物湯加黃栢知母養陰則火降矣

靈苑治急喉閉逡巡不救者蠡魚膽臘月收陰乾為末每用少許點患處藥至即瘥病深則水調灌之

丹用李實根研水傳頂上一遭 治喉痺卒不語羊蹄獨

根者勿見風日及婦人雞犬以三年醋研和如泥生布拭

喉令赤傳之千金方

又方

硫硝

枯礬各五分

鵬砂錢一

杜牛膝調傳

右降之之劑

羅開關散治喉風氣息不通

白僵蚕炒一兩 枯白礬各等分

右為細末每服三錢生薑蜜水調下細細服之

本治纏喉風用白礬末半錢烏雞子清一箇二味調勻灌

入喉中立効如神此方活人不計數幸毋忽

山喉閉用枯礬末吹納喉中急用燈盞底油脚灌下

世治喉痺馬屁勃白礬等分為細末以鷺翎吹入喉中吐

痰二升愈馬屁勃味辛平 治喉閉一握金一握燒灰拌白礬末

炒青色為度用筋三四根壓下舌看喉中端的吹入患處

妙此藥一名八角荷一名山荷葉如川芎樣生深山詩云

一葉一枝花深山是我家硫黃怕我死水銀化成砂

無神効散荆芥草麻肉等分為末蜜丸皂子大綿裹含化

治喉痺語聲不出者佳

丹又方猪牙皂角和霜梅為末噙之
世治喉痺咽腫手足不和惡寒者用鴨嘴膽礬末以筋蘸藥點患處藥至即瘥神效

右收之之劑

汚血

海治喉痺取蟻螬虫汁點在喉中下咽即開

崔治喉痺壅塞不通取紅藍花搗絞取汁一小升服之以

瘥為度如冬月無濕花可浸乾者濃絞取汁如前服之極

驗咽喉塞服之皆瘥

丹又方用茜草一兩煎服降血中之火

世治咽腫杜牛膝搗自然汁和醋服之本草云杜牛膝主血結及血塊

無馬鞭草散治患喉痺咽腫連頰吐氣數者

馬鞭草 本草云馬鞭草味辛涼破血土瘕癰血痰通月經

右搗自然汁每服燕一合許又一法用馬啣鐵煮汁服

亦妙

丹治喉痺射干切一片含嚥汁外臺秘要○本草云射干破血消瘕治瘵老血在心

脾間味辛涼微温有毒

孫押班都知潘元從喉閉急召孫至於夾袋中取藥末半

七吹入喉中少頃潘吐出膿血立愈翌日潘詣孫謝曰火

急之難非明公不能救救人之急非藥不能療贈金一百

兩願求方以濟非常之急孫以其方授之用猪牙皂角白

礬黃連等分細剉新瓦上焙乾為末每用半錢吹入喉中

因曰神方無價安用以利易哉遂不受所贈

急喉痺其聲如鼾有如痰在喉嚨者此為肺絕之候速宜

參膏救之用薑汁竹瀝放開服如未得參膏或先煎獨參

湯救之服早者十全七八次則十全四五遲則十不全一

也

肺絕

雜方

素一陰一陽結謂之喉痺陰陽別論

海治喉閉逡巡不救方

皂莢去皮弦子生半兩為細末以筋頭點少許在腫痛處更以醋糊調藥末厚塗項上須臾便破血

出立瘥○丹溪以雞毛蘸傳腫處尤妙

又用遠志去心水調傳項上一遭

丹治喉痺青艾和莖葉一握用醋同杵傳痺處冬月用乾

者李師方

一法用青艾汁灌下

山喉閉用蛇床子燒烟薰入喉中愈

本喉中卒被毒氣攻痛者切商陸根炙熱隔布熨之冷輒

易立愈

母有人患纏喉風食不能下大麥麩作稀糊嚥之滑膩容

易下嚥以助胃氣衍義云以此代粥食也若能食者不必用此

山挫喉氣不通者以冷水徐灌之

針灸

內經刺灸喉痺法有二今以經脈所過咽喉取之驗者及

他病相干而致喉痺取之者通六經也

其一取手足陽明經云喉痺不能言取足陽明能言取手

陽明又云胃足陽明脈從大迎前下人迎循喉嚨所生

病者頸腫喉痺視盛虛熱寒陷下取之又云足陽明之別

名曰豐隆去踝八寸別走太陰其病氣逆則喉痺卒瘖取

之所別也又曰大腸手陽明脈所生病者喉痺視盛虛熱

寒陷下取之也

其二取手少陽經云三焦手少陽之脈出缺盆上項繫耳

後是動則病噎腫喉痺視盛虛熱寒陷下取之又曰邪客

手少陽之絡令人喉痺刺手中指次指爪甲上去端如韭

葉各一疇壯者立已老者頃已左取右右取左是也

其三以經絡所過喉咽者有二經云肝足厥陰之脈循喉嚨之後故喉之後疼者取之累驗也又云腎足少陰之脈上貫肝鬲循喉嚨竇漢卿所謂必准者照海治喉中之閉塞是也

其四他病相干致喉痺者有一經云心欬之狀喉中介介如梗狀甚則咽腫喉痺取心之俞蓋太陵穴是也

孫文潞公一日喉腫翰林咽喉科治之經三日愈甚上召孫治之孫曰病得相公書判筆一管去筆頭水露筆管點藥入喉便愈孫随手便刺相公昏仆不省人事左右皆驚愕流汗孫乃笑曰非我不能救相公須臾嘔出膿血升餘旬日乃平復如故見上上喜曰孫召良醫甚有手段予嘗治一男子喉痺於大溪穴刺出黑血半盞而愈由是言之喉痺以惡血不散故也凡治此疾暴者必先發散發散不愈次取痰取痰不愈次去汚血也

摘治喉痺 **豐隆** **湧泉** **關衝**
甚者以小三稜針藏筆鋒中詐言點藥於喉痺

上乃刺出紫血頓下立愈

撮喉痺乳蛾 **少商**
針入一分臥針向後三分 **照海** **太衝**

擦喉閉不通 **少商** **隱白** **少衝** **湧泉**

摘喉痺頷腫如升水粒不下 **少商**
出血 **手太指背頭節**

三稜折刺 三針出血 **陽谷**
三分

甲喉痺完骨及天窓氣舍天鼎尺澤合谷商陽陽溪中渚
前谷商丘然谷陽交悉主之 **喉痺胸中暴逆先取衛脈**

後前三里雲門
皆瀉之

脈喉痺刺少陰少陰在手腕當小指掌後動脈是也針入三分補之

甲喉痺咽如梗三間主之 **喉痺不能言溫留曲池主之**

診

喉痺氣逆口喎咽喉如扼狀行間主之 喉痺咽腫水
漿不下璇璣主之 喉痺食不下鳩尾主之
白色麤理者肺大肺大則多飲善病喉痺全文見診
甚為喉介全文見治 心脈大

咽噎痛咽噎不能納 唾與食是也

大法

形苦志苦病生於咽噎治之以百藥全文見治法

咽痛必用荆芥 陰虛火炎上者必用玄參

氣虛人參加竹瀝 血虛四物加竹瀝

久病養陰解鬱

咽痛有陰氣大虛陽氣飛越痰結在上遂成咽痛脈必浮

大重取必瀆去死為近宜補陰陽人參一味濃煎湯細細

飲之此証皆是勞嗽日久者有之如用實喉痺條下諸方非徒無益而反害之

咽瘡多虛火游行無制客於咽喉宜用人參蜜炙黃柏荆

芥治之

潤喉散治氣鬱夜熱咽乾梗塞用

桔梗二錢

粉草

紫荷車

香附各三錢

百藥煎一錢

右為細末傳口內

咽喉生瘡損了不用生薑用之辛辣痛又能散不收

咽痛實熱者

黃連

荆芥

薄荷

蜜薑汁調噲

咽中瘡腫草麻子一粒去皮朴硝一錢同研新汲水作一

服連進二三服效丹溪云草麻子屬金性善收能遣毒腫又似屬水當是外科要藥

羅龍麝聚聖丹治心脾客熱毒氣攻衝咽喉赤腫頭痛或

成喉痺或結硬不消愈而復發經久不瘥或舌本腫脹滿

口生瘡飲食難咽並宜服之

川芎兩

生地

犀角屑

羚羊角

新病退熱祛邪

琥珀研各五錢 馬牙硝研三錢 鵬砂研一兩 人參

赤茯苓各三錢 玄參 桔梗 升麻

鉛白霜研 連翹各五錢 硃砂水飛二錢 牛黃研二錢

麝香研三錢 腦子研三錢 金箔為衣

右為細末煉蜜為丸每兩作十九丸用金箔為衣每服一丸薄苛水化下或細嚼或噙化如無薄苛新水亦可臨

臥用之

祛毒牛黃膏治大人小兒咽喉腫痛舌本強硬滿口生瘡

涎潮喘急飲食難進咽膈不利

牛黃研三錢半 人參 琥珀 犀角取細末

桔梗 生地 鵬砂各半兩 雄黃一兩

玄參 升麻各三錢 蛤粉水飛四兩 寒水石煨二兩

硃砂飛研七錢 鉛白霜 腦子各一錢 金箔為衣

右為細末煉蜜丸如小彈子大金薄為衣用磁石器內

收貯每服一丸濃煎薄苛湯化下或新汲水服亦得日

進二三服噙化亦得

咽喉備急丹

青黛 芒硝 白僵蚕各一兩 甘草四兩

右為細末用臘月內牛膽有黃者盛藥其中蔭四十九

日多時為妙

經患喉痛含山荳根一片細咽津極妙

丹咽痛鵬砂或和膽礬白僵蚕白霜梅和噙 又方百藥

煎去黑皮鵬砂甘草生白礬等分為細末每服一錢食後

米飲調細細咽下

肘咽喉卒腫食飲不通黃栢搗傳腫上冷復易之用苦酒

和末佳

實熱降
水之

浮熱表散之

丹 婦人患咽疼用桔梗一兩生甘草半兩分三貼水二碗煎取一小盞稍熱飲之先與蚤休末細咽之蚤休末即金線重樓是也羅增損如聖湯治風熱攻衝會厭語聲不出咽喉妨悶腫痛並治之

桔梗二兩 甘草炙一兩半 枳殼湯浸去穢 防風各半兩

右件為細末每服三錢水一大盞煎至七分去渣入酥如棗許攪勻食後溫服

本 治虛煩上壅脾肺有熱咽喉生瘡利膈湯

雞蘇葉 荆芥 防風 桔梗

人參 牛旁子隔紙炒 甘草各一兩

右為細末每服一錢沸湯點服如咽痛口瘡甚者加僵蚕一兩

垣 桔梗湯治咽腫微覺痛聲啞季冬合之

麻黃不去節半錢 桔梗一錢 黃芩三錢 甘草一錢

白僵蚕三錢 馬屁勃一兩 桂枝少許 婦身三分

右咬咀水二盞煎去渣稍熱服食後可徐徐呷之

羅 發聲散治咽痛妨悶咽物則微痛不宜寒涼藥過泄之此妨悶虛熱也

瓜蒌一箇 白僵蚕微炒半兩 桔梗七錢半 甘草炒二錢

右為細末每用少許乾糝咽喉中若腫痛左右有紅或只一壁紅紫長大水米難下用此散一錢朴硝一錢和勻糝喉中咽津如喉中生赤腫或有小白頭瘡用前散一錢七白礬細研半錢乾糝

丹 薑汁調僵蚕末治咽痛神效詳見喉痺

無 蜜附子治感寒咽門閉不能咽大附子一枚生去皮臍切作大片蜜塗炙令黃含嚥津甘味盡更以附子片塗蜜

寒邪溫之

汚血破之

灸用之

丹治咽痛用諸藥不効者此非咽痛乃是鼻中生一條紅線如髮懸一黑泡大如櫻珠垂掛到咽門而止口中飲食不入須用深取牛膝根直而獨條者洗淨入好醋三五滴同研細就鼻孔滴二三點入去則絲斷珠破其病立安

雜方

素肝者中之將也取決於膽咽為之使奇病論

世咽痛用倒摘刺根淨洗入好酒醋同研滴在喉中耳若痒即安 范江方治喉中腫痛不得飲食燒筆頭灰漿水飲下方寸七

渾氣

廣主咽喉寒鼻中瘡出及乾嘔頭痛食不下生雞子一箇開頭取白去黃著米酢煨拌澹火頓沸起擎下沸定須頓三度就熱飲酢盡不過一二次瘥

針灸

運氣咽喉噎痛皆屬寒經云太陽在泉寒淫所勝民病噎痛頰腫是也

內經灸刺咽喉有二

其一取足少陰經云腎足少陰之脈所生病者咽腫上氣噎乾痛又云噎中腫不能內唾時不能出唾者刺然骨之前出血立已左刺右右刺左又云邪客足少陰之絡令人噎痛不可納食無故善怒氣上走賁上林億云賁膈也謂氣上走膈上也刺足下中央之脈各三疔凡六刺立已左刺右右刺左是也

其二取手太陽經云小腸手太陽之脈是動則病噎痛頰腫視虛實寒熱陷下取之也

甲咽中痛不可納食湧泉主之 咽腫難言天柱主之 喉痛瘖不能言天突主之

同喉痺法

乳蛾

浮熱者
收之

竹咽喉乳蛾方

雄黃

鬱金各五錢

白礬

生用二錢半

膽礬五分

右為細末以竹管吹入喉中立能言語

實熱者
降之

粉香散吹乳蛾即開

白礬三錢

巴豆

三粒去皮油去

輕粉

麝香

各少許

右於鐵器上飛白礬沸入巴豆在礬上枯去不用巴豆為細末三味和合吹喉中

孫治懸癰垂長咽中妨悶白礬一兩燒灰鹽花一兩二味

細研以筋頭點藥在上

竹羅青散治單雙乳蛾

蒲黃五錢

羅青

盆硝

研各三錢

甘草

二錢

右為細末每服一錢冷蜜水調細細咽之吞不下雞翎蘸藥喉內掃之立効

本玄參散治懸癰痛不下食

玄參

升麻

射干

大黃

各半兩

右為細末用水煎至七分放溫時時含咽良驗

無乾薑散治懸癰熱卒暴腫大

乾薑

半夏

湯洗去滑等分

右為細末以少許著舌上嚥津

世乳蛾用杜牛膝根紅者研調男用女乳汁女用男乳汁

納鼻吸之

丹治喉中卒生肉綿裹筋頭蘸鹽搯一日六七次易之

方人

咽中介介如梗狀

雜方

仲婦人咽中如有灸癰半夏厚朴湯主之

半夏升

厚朴兩

茯苓

生薑各四兩

蘇葉兩

右五味以水七升煮取四升分溫四服日三夜一

丹痰結核在咽此濕痰必用痰藥中鹹能軟堅之味

瓜蒌實

青黛

杏仁

海蛤粉

桔梗

連翹

風化硝

右為末薑蜜丸噙化

針灸

內經灸刺咽噎介介如梗狀有二

其一取陽陵泉經云膽病者善太息口苦嘔宿汁噎中介

介然數唾取陽陵泉是也

其二取太陵經云心欬之狀喉中哧哧然如梗狀取心之

俞是也

諸物梗喉

山之

無治諸哽者薤白令半熟以線縛定手執線頭少嚼薤白

咽之度薤白至哽處便牽引哽即出矣 又法用綿一小

塊以蜜煮用如食薤法

世治骨哽入喉

硝砂

甘草各等分

右為末以綿裹少許噙之旋旋咽津久之即出

骨哽以乳香燒烟吸入喉即吐出

本治諸魚骨哽久不出方以皂角少許吹入鼻中得嚏哽

出多秘此方

陳獺主魚骨哽不可出者取獺足於項下爬之亦可煮汁

食之

外治哽蝮蝮膽一枚吞下亦治刺不出傳之刺即出

古今錄療魚骨橫喉中六七日不出取鯉魚鱗皮合燒作

屑水服之即出未出再服

右治骨哽

子和一小兒誤吞一錢在喉中不下諸醫皆不能出亦不能下乃命戴人戴人熟思之忽得一策以淨白表紙令卷實如箸以刀縱橫亂割其端作鬚髻之狀又別取一箸縛針鈎於其端令不可脫先下咽中輕提輕抑探之覺鈎入於錢竅然後以紙卷納之咽中與鈎尖相抵覺鈎尖入紙卷之端不碍肌肉提之而出

葛誤吞釵取薤白曝令萎黃煮使熟勿切食一大束釵即隨出

丹治誤吞錢釵及鏤用飴糖一片漸漸食之自出外臺秘要

下之法

世治骨哽槿樹葉油馬屁勃砂糖三味熬膏為丸噉化累

効

治骨哽喉痛用水牛屎上生出蕈曬乾為末用砂糖為丸徐徐嚥吞下仍用砂糖為衣不然損牙

外治魚骨哽在喉中以少礪砂口咀嚼咽之立下

世治魚骨哽用玉簪花根研細取汁竹管灌喉中不可著齒着則齒酥 骨哽用萱草根汁服之傳者云可立視骨

下 部云萱草即鹿蔥也又名宜男 又方魚骨哽細嚼蘿蔔徐徐咽之愈

丹治魚骨哽百法不能療者錫糖丸如鷄子黃大吞之立出肘後方

治諸哽生艾數升水酒各五升煮取四升稍熱服之外臺

世魚骨哽楮子搗自然汁濾去渣服或收曬乾為末水和

汁服亦可楮子即谷樹子也 一方用楮樹皮

術橄欖味澁食久則甘嚼汁咽治魚哽

外治哽以瞿麥為末水調方寸七服

本治骨哽白茯苓一味臨時細切為末以所哽骨煎湯調

下

世治雞骨哽用水簾草搗汁飲之骨自消 治骨哽以野

苧根洗淨搗爛如泥每用龍眼大如被雞骨所傷以雞羹

化下如魚骨所傷魚湯化下 治一切骨哽用金鳳花子

嚼爛嚙下無子用根亦好

山誤吞稻芒麥芒咽間者急取鵝口中涎灌之或取薦頭

草嚼亦妙

丹魚骨在肚中刺痛煎茱萸汁一盞飲之骨軟而出食

丹治吞錢艾一把水五升煎至一升頓服便下錢氏篋

治吞錢及鐵物在喉者不得下南燭根燒細末湯調一錢

下之

山誤吞錢百部根四兩酒一升漬一宿溫服一升口再服

之外臺又方誤吞銅錢用家茨菰取汁呷飲自消見山

外誤吞錢併金銀等物以糊粉一兩搗調之分再服如吞

金銀物在腹中以水銀服之令消烊

無凡治哽之法皆以類推如鸕鷀治魚哽磁石治針哽髮

灰治髮哽狸虎治骨硬亦各從其類也

項頸強痛

靈缺盆之中任脈也名曰天突當缺盆中央一次任脈

側之動脈足陽明也名曰人迎挾喉二旁之二次脈手

陽明也名曰扶突挾喉動脈之後曲三次脈手太陽也

名曰天窗手陽明之後當四次脈足少陽也名曰天容

曲頰之後當 五次脈手少陽也名曰天牖耳後當完

耳之下是也 六次脈足太陽也名曰天柱挾項大筋七次脈頸中央

診

針灸

之脈督脈也名曰風府 足陽明挾喉之動脈也其腧在膺中 手陽明次在其腧外不至曲頰一寸 太陽當曲頰 足少陽在耳下曲頰之後 手少陽出耳後上加完骨之上 足太陽挾項大筋之中 俱本輸篇

內經刺灸項頸痛有二

其一取足手太陽治項後痛經云足太陽之脈是動則病項如拔視虛盛寒熱陷下取之又云項痛不可俛仰刺足太陽不可以顧刺手太陽又云大風項頸痛刺風府風府在上椎又云邪客於足太陽之絡令人頭項肩痛刺足小指爪甲上與肉交者各一痛立已不已則刺外踝下三痛左取右右取左如食頃是也

其二取足手陽明治頸前痛經云足陽明之脈所生病者頸腫又云手陽明之脈是動則病頸腫皆視盛虛寒熱陷下取之也

玄 頸項痛 後谿

玉 項強 承漿 風府

甲 頭項痛重暫起僵仆鼻塞鼽衄喘息不得通通天主之 項上痛風頭重目如脫不可左右顧百會主之 頸痛

項不得顧目泣出多眦鼻衄目內皆赤痛氣厥耳目不用咽喉倭引項筋攣不收風池主之 項腫不可俛仰頰腫引耳完骨主之 項強刺瘖門 頸項痛不可以俛仰頭痛振寒瘕瘕氣實則脇滿俠脊有并氣熱汗不出腰背痛大杼主之

東風生於春病在肝腧在頸項 全文見五藏

肝筋急 本治筋急項不得轉側木瓜煎

木瓜 兩箇取 蓋去穢 沒藥 研二兩 乳香 研一分

右二味內木瓜中用蓋子合了竹簽簽定飯上蒸三四次研爛成膏子每服三五匙地黃酒化下生地黃汁半盞無灰酒二盞和之用八分一盞熱煖化服有人患此證自午後發至黃昏時定予曰此患先必從足起經言足十二經絡各有筋惟足太陽之筋自足至項大抵筋者肝之合也日中至黃昏天之陽陽中之陰也又曰陽中之陰肺也自離至兌陰旺陽弱之時故靈寶畢法云離至乾腎氣絕而肝氣弱肝腎二臟受陰氣故發於是時予授此方三服而愈

丹 男子項強不能回顧動則微痛診其脈弦而數實右手為甚予作痰熱客太陽經治之用二陳湯加酒洗黃芩羌活紅花服後二日愈

垣 養神湯治精神短少不得睡項筋腫急難伸禁甘溫宜

熱痰

虛熱

苦寒

黃芪 錢一

人參 分三

甘草 分七

蒼朮 分五

白朮 分三

柴胡 錢四

升麻 錢四

歸身 分五

麥芽 分五

木香 分一

川芎 分三

半夏 分七

橘皮 錢一

黃連 分五

黃芩 分二

黃柏 分一

右咬咀每服五錢水二盞煎去渣稍熱服不拘時

本 治腎氣上攻項背不能轉移椒附散

大附子

一枚六錢上者炮去皮臍末之

右末每二大錢好川椒二十粒用白麩填滿水一盞半

生薑七片同煎至七分去椒入鹽空心服予一親戚患

項筋痛連背髀不可轉移服諸風藥皆不効予嘗憶千

金髓有腎氣攻背強一證予處此方與之一服頓瘥自

爾與人皆不驗蓋腎氣自腰夾脊上至曹溪穴然後入

虛

泥丸宮曹溪一穴非精於搬運者不能透今逆行至此不得通用椒以引婦經則安矣氣上達椒下達故服之愈

表寒

千治風項強不得顧視穿地作坑燒令通赤以水洒之令冷納生桃葉鋪其席下臥之令項在藥上以衣着項邊令氣上蒸病人汗出良久即瘥

又方治頭項強不得顧視蒸大荳一升令變色納囊中枕之

諸瘕項強皆屬於濕全文見診法治法見傷寒項強條

醫學綱目卷之十五

醫學綱目卷之十六

心小腸部

心痛

卒心痛

胎前心痛

產後心痛

諸般氣痛

寒熱

丹心痛即胃脘痛凡心痛必用溫藥此是鬱結不行阻氣不運故痛在下者多屬食宜溫利之 大凡心膈痛須分新久若明知身受寒氣口喫寒物而得者於初得之日當與溫散或溫利之

身受寒氣宜溫散

口食寒物宜溫利

溫散謂治身受寒氣於外者如陳無擇麻黃桂枝湯治外因心痛之類是也方見表條

溫利謂治口食寒物於裏者如仲景九痛丸潔古煮黃丸治大實心痛之類是也方見實條

久病為鬱熱宜寒之

若曰病得之稍久則成鬱久鬱則蒸熱熱久必生火原病式中備言之矣若欲行溫散溫利寧無助火添病耶由是

方中多以山梔為熱藥之向導則邪易伏病易退正氣復而病安矣然病安之後若恣縱口味不改前非病復作時乃委咎於醫悞也 大槩胃口有熱而作痛非山梔不可須薑汁佐之多用台芎開之 用山梔炒去皮每十五枚煎濃湯一呷入薑汁令辣再煎少沸吞九枚加川芎一錢尤妙 又方用山梔去殼炒黃為末以薑汁調粥丸有寒者加草薺蔻末丸服之

又方治氣實心痛

山梔去殼炒香附乙

茱萸一錢

右為末炊餅丸如花椒大以生地黄用酒洗淨同生薑煎湯下廿丸外用胡椒草撥各半兩為末以醋調捏成丸子吞之

心痛方

黃連炒

山梔炒

茱萸各五錢

荔枝核燒存性為末三錢

滑石

右為末薑汁化炊餅為丸

又方治心痛

白朮

白芍藥

砂仁

半夏

當歸各三錢

桃仁

甘草

黃連

神麴炒

陳皮

吳茱萸各一錢半薑一錢

人參一錢

又方二陳湯加川芎蒼朮倍加炒梔痛甚者加炒乾薑此從治反治之法

暴病為寒宜溫之

保寒厥心痛者手足逆而通身冷汗出便利溺清或大便利而不渴氣微力弱急宜以朮附湯溫之寒厥暴痛非久病也朝發暮死宜急救之是知久病非寒暴病非熱也朮附湯治寒厥暴心痛脈微氣弱即仲景朮附湯也

附子炮去皮一兩白朮四兩甘草炙一兩
右麤末附子令勻每三錢水一盞半薑五片棗一枚煎至一盞去渣溫服食前

羅胃脘當心而痛治驗 漕運使崔君長男雲卿年二十五體本豐肥奉養膏粱時時有熱證友人勸食寒涼物因服寒藥至元庚辰秋瘧發醫以砒霜等藥治之新汲水下禁食熱物瘧病未除反添吐瀉脾胃復傷中氣愈虛腹痛腸鳴時復胃脘當心而痛不任其苦屢醫未效至冬不瘥延至四月間勞役煩惱過度前證大作請予治之診視脈得弦細而微手足稍冷面色清黃不澤情思不樂惡人煩冗飲食減少微飽則心下痞悶嘔吐酸水每發作冷汗時出氣促悶亂不安須人額相抵而坐少時易之予思內經云中氣不足溲便為之變腸為之苦鳴下氣不足則為

厥心寃又曰寒氣客於腸胃之間則卒然而痛得熱則已非甘辛大熱之劑則不能愈遂製一方名曰扶陽助胃湯

附子

炮去皮一錢

乾薑

炮一錢半

草豆蔻

益智仁

揀參

甘草

炙

官桂

白芍藥各一錢

吳茱萸

陳皮

白朮

各五分

內經曰寒淫於內治以辛熱佐以苦溫附子乾薑大辛熱溫中散寒故以為君草豆蔻益智仁辛甘大熱治客寒犯胃為佐脾不足者以甘補之炙甘草甘溫白朮陳皮苦溫補脾養氣木挾木氣亦來侮土故作急痛桂辛熱以退寒水芍藥味酸以瀉木來剋土吳茱萸苦熱泄厥氣上逆於胸中為使右剉如麻荳大都作一服水二盞薑三片棗二枚同煎至一盞去渣溫服食前三服大勢去痛減半至秋先灸中脘三七壯以助胃氣次灸氣海百餘壯生發元氣

滋榮百脈以還少丹服之喜飲食添肌肉皮膚潤澤明年
春灸三里二七壯乃胃之合穴亦助胃氣引氣下行又以
芳香助脾服育氣湯加白檀香平治之戒以懲忿窒慾慎
言語節飲食一年而平復

身熱足冷煩躁
脈洪者為熱

保熱厥心痛者身熱足冷痛甚則煩躁而吐額上自汗知
為熱也其脈洪大宜灸太谿崑崙表裏俱瀉之是為熱病
引熱下行汗通身出者安也灸後與金鈴子散痛止服枳
實白朮丸去其餘邪也

金鈴子散治熱厥心痛或作或止久不愈者

金鈴子

玄胡索各一兩

右為末每服三錢酒調下痛止與枳朮丸

外療峭心痛熊膽如大荳許和水服大效本草熊胆味苦寒

寒飲

仲心中寒者其人病心如噉蒜狀劇者心痛徹背背痛徹

心譬如蠱注其脈浮者自吐乃愈

經云寒氣客於背俞之脈則血脈澁血脈澁則血虛血虛

則痛其俞注於心故相引而痛按之則熱氣至熱氣至則

痛止矣此亦寒氣客心背而痛也

心痛徹背背痛徹心烏荳赤石脂丸主之

蜀椒一兩

烏頭炮一分

附子炮半兩

乾薑炮一兩

赤石脂一兩

右五味為末蜜丸如桐子大先食服一九日服三不效

稍加服

胸痺不得臥心痛徹背者括萎薤白半夏湯主之

括萎實一枚

薤白三兩

白酒一斗

半夏半升

右四味同煮至四升服一升日三服

心胸中大寒痛嘔不能飲食腹中寒上衝皮起出見有頭

足上下痛而不可觸近大建中湯主之

蜀椒二合 乾薑四兩 人參二兩

右三味以水四升煮取二升去查內膠飴一升微火煎取一升半分溫再服如一炊頃可飲粥二升後更服當一日食糜溫覆之

心中痞厥逆心懸痛桂枝生薑枳實湯主之

桂枝 生薑各一兩 枳實五兩

右三味以水六升煮取三升分溫三服

聖治寒疝心痛四肢逆冷全不飲食用桂心二兩去皮搗

羅為散不計時候熱酒調下一錢匕

世果附湯治寒氣心痛

附子 草果 良薑等分

以酒煎服立效

羅二薑丸養脾溫胃去冷消痰大治心脾疼寬胸下氣通飲食及一切冷物所傷並皆治之

乾薑炮 良薑

右等分為細末麪糊丸如桐子大每服十五丸至二十丸食後陳皮湯妊娠婦人不宜服

右方辛甘熱以散寒結

世治心痛累效水梅一箇去核生硫黃為末相和搗勻以可丸為度作一丸白湯下立愈病不再作

右方醲熱以收散寒凡服辛劑反甚者改服酸劑立愈也

丹客寒犯胃草薤蔻丸主之熱亦宜用止可一二服

草薤錢四分 薤分 吳茱萸湯泡洗

益智仁 僵蚕炒 歸身 青皮各六分

神麩

薑黃各四分

生甘草三分

桃仁去皮

半夏

湯泡七錢

澤瀉

一錢小便利減半

麥蘗炒黃一錢半

炙甘草

六分

柴胡

四分詳脇下痛多少與之

人參

黃芪

陳皮

右一十八味除桃仁另研如泥外為極細末同研勻湯

浸炊餅為丸如桐子大每服三十九丸熱白湯送下食遠

旋斟酌多少用之

監縣之閤年五十餘春末心脾疼自言腹脹滿手足寒過

肘膝須綿裹火烘胸襟畏熱却喜掀露得風涼則快脈皆

沉細而澁稍重則絕輕取似弦而短口渴乾而喜熱飲穀

肉全不食遂以草苴蔻丸三倍加黃連滑石炒神麩為丸

白朮為君茯苓為佐陳皮為使作湯送下一百丸服至二

斤諸証皆愈

虛寒

以物柱按而痛者挾虛以二陳湯加炒乾薑和之

按之痛止者為虛治法並見寒心痛條丹溪云草苴蔻丸

治氣餒弱人心痛方見寒熱通用條

仲九痛丸治九種心痛

附子

三兩炮

生狼牙

一兩香炙

巴豆

一兩去皮心炒研如脂

人參

乾薑

吳茱萸

各兩

右六味為末煉蜜丸如桐子大酒下強人初服三九日

三服弱者二丸兼治卒中惡腹脹痛口不能言又治連

年積冷流注心胸痛併冷腫上氣落馬墜車血疾等證

皆主之忌口如常法

寒實

潔煮黃丸治大實心痛方見飲食內傷

藜本湯治大實心痛大便已利宜以此徹其痛也

藜本兩半

蒼朮

兩

右劉每服一兩水二盞煎至半盞溫服

右寒實

熱實

仲按之心下滿痛者此為實也當下之宜大柴胡湯方見傷寒子和一將軍病心痛不可忍戴人曰此非心痛乃胃脘當心痛也內經曰歲木太過民病胃脘當心而痛乃與神祐丸一百餘粒病不減或曰此胃脘有寒宜溫補不宜與涼劑將軍素知戴人明了復求藥於戴人戴人復與神祐丸二百粒作一服大下六七行立愈神祐丸方見水腫門

右熱實

食積痛

丹蔣氏子年十六久瘧方愈十日而心脾大痛兩手脈皆伏痛稍殺時氣口緊盛餘脈皆弦實而細予曰此宿食也詢之因食冷油煎堆子遂以小胃丹津燕十餘粒仍斷飲食經三日凡與小胃丹十二次痛不作至晚下忽大痛連

及兩脇予曰此必與穀太早問之果然遂斷其飲食亦與藥蓋宿積已因小胃而稍解其痛又因新穀與餘積相併而復作若又攻擊必大傷胃氣所以不與藥又斷食三日其家大恐以為不救時有怨言予曰六日不能思食強禁不與方成惡候待其索食與之又須較量方可至夜更餘心嘈索食予先用白朮黃連陳皮作丸子遂以熱湯下七八十丸以除其嘈雜若以為飢而與粥其痛必如前矣其家苦欲與予詢病者隔間莫尚悶否答曰我纔飢作必繼之薄悶今雖未甚快然亦未嘗思食過兩時許又索食予以前丸與之如是者又一晝夜飢不再作人亦昏困思睡予教以用稀粥減平日之半兩日禁其雜食調理半月而安小胃丹方見飲食內傷

保心痛用小胃丹津下十五丸

右漸除熱宿食積法

世木香丸治食積心痛

木香

丁香

三稜

蓬朮

青皮

陳皮二錢半

檳榔二錢

白芷一錢

巴豆肉

十五粒用醋煮令無白心

右末醋糊丸麻子大

本治一切積聚有飲心痛硃砂丸

硃砂

三稜另末

乾薑

香白芷

巴豆

去油各半兩

大黃另末

乾漆各半兩

木香

青皮

胡椒各一分

檳榔

肉苳蔻各一箇

右為細末醱醋二升煎五七沸後下三稜大黃末同煎

五七沸入硃砂同煎成膏稀稠得所入諸藥和勻杵丸

如菴荳大年深成塊生薑湯下四五丸食積熱水下白

痢乾薑湯下赤痢甘草湯白痢當歸湯蔥酒亦得

潔厚朴丸紫苑丸治積聚心痛厚朴丸方見翻胃紫苑丸方見積塊

仲心傷者其人勞役即頭面赤而下重心中痛而自煩發

熱臍跳其脈弦此為心臟所傷也

丹心痛輕者散之麻黃桂枝重者加石碱用川芎蒼朮炒

山梔作丸服

桂枝

麻黃

石碱

右為末薑汁浸炊餅為丸桐子大熱薑湯下十五丸如

服丸數多又治痰飲

無麻黃桂枝湯治外因心痛惡寒發熱內攻五臟拘急不

得轉側

麻黃

去節湯浸焙

桂心

芍藥

細辛去苗

乾薑

甘草

炙各七錢半

半夏

香附各五錢

右劉每五錢水盞半生薑五片煎七分去查食前服大便秘入大黃量虛實加減

世治心疼甚效

檳榔

桂心

葛根

甘草

細辛

半夏

桔梗

枳殼

川芎

防風

右等分惟甘草半之水煎服有人心疼諸藥不效服此愈

內因痛

丹青巖劉山長子年三十六歲得心疼十八年矣因酒飲牛乳病發時飲食無碍得病八年後盛暑及沐浴飲食時皆無汗中間更醫不一悉以丁附諸丹等熱藥治之至是黃瘦食減若不勝衣痛作時須以一物挂之診其脈皆三至弦弱而濇未風先寒大便或閉或泄最苦是胸膈不舒

七月內遂以二陳湯加白朮黃連黃芩桃仁郁李仁澤瀉每日用此藥飲而出之所吐皆苦黑水雜以如浸木耳片者此日却再與兩貼飲而不出如此兩月近二百餘貼澀脈漸退至數漸添忽一日診其脈純弦漸有充滿之狀時正立冬後頗暄暖意其必欲作汗又意其血氣未充汗難以發以人參黃芪芍藥當歸陳皮半夏甘草調理二日此時痛雖緩每晝夜一二作至第三日與麻黃蒼朮當歸川芎甘草等藥纔下咽目上視口噤面無神色予呼之不應見其四肢不收急以左手抱其頭就坐於床以右手拇指捻其人中須臾而愈通體汗如雨自此痛不復作但人倦食未增耳續又大為噤酸所苦每一晝夜六七作其作時有一酸塊自胸膈間直衝上咽喉情狀極惡遂悉罷諸藥以黃連濃煎取冷俟酸塊欲上時以冷黃連汁數滴與之

即回如此六七次半日許其塊亦除於是罷藥淡粥調養
又近三箇月時以立春節旬餘中腕處微有脹急面帶青
色氣息喘促時天氣尚寒意謂脾土因久病衰弱木氣行
令此肝凌脾急以索矩三和湯與之至四日而安

一婦人年四十餘歲因二十年憂患後心痛或可按或不
可按食甚減口渴而不能飲水形瘦骨立心痛止則頭痛
作其痛無常處頭痛止則心痛作夜間全不寐大便七八
日一行堅小而黑而出亦難累與四物加陳皮生甘草前
後約百餘貼病雖不增却無退減予曰此肺久為火所鬱
氣不得行由是血亦畜塞遂成汚濁氣壅則頭痛血濁不
行則心痛通一病也治肺當自愈遂做東垣方清空膏例
細切酒炒透令赤色為細末以熟白木湯調下頭上稍汗
如此十餘貼漸漸汗至通身及膝而止諸病皆愈因其膝

下無汗形瘦病久小便數大便澁兩手皆見澁脈當議補
血以防後患問其又思水而不飲遂與四物加陳皮生甘
草桃仁酒苳以補之遂安
裏實心痛並見按之滿痛為實條丹溪云心痛脈堅實不
大便者下之

虫痛

羅化虫丸

鶴虱

檳榔

胡粉炒

苦練根去厚皮各

五十兩

白礬飛十兩

右為末麩糊為丸桐子大小兒疾病多有諸虫或因臟
腑虛弱而動或咽食甘肥而動動即腹中疼痛往來上
下攻心痛則笑不休合眼仰身撲手心神悶亂嘔噦涎
沫或吐清水四肢羸困面青色黃飲食雖進不生肌肉
或寒或熱沉沉默默不的知病處一歲兒服五九温漿

下入香油一兩點打勻下之米飲亦得其虫自下

保妙香丸治男子婦人心痛強中搖熱如癩狀方見

風癩者羌活湯引下妙香丸羌活湯方見諸風條血癩者當歸湯

引下妙香丸當歸湯方見諸血條

丹虫痛者面上白斑唇紅能食治用練根錫灰之類脈堅

實不大便者下之

羅補金散治諸般虫

鶴虱生

雷丸

定粉

錫灰已上各等分

右為末每服三錢空心少油調下又用猪肉一兩燒熟

摻藥在上細嚼亦得用翎毛掃其遂末一錢與前藥一

處服之其虫自下

本治寸白虫方黑鉛灰炒四錢一服先喫猪肉脯少許一

時來却用砂糖濃水半盞調灰五更服虫盡下白粥將息

一日良

又療寸白虫用錫灰蕪荑檳榔者極佳予宣和中每覺心

中多嘈雜意欲作飲又疑虫漫依此方所說翌日下長虫

二條一長二尺五寸頭扁闊尾尖銳每寸作一節斑如錦

紋一條皆寸斷矣千金謂勞則生熱熱則生虫心虫曰蛔

脾虫曰寸白腎虫如方截絲縷 虫如爛杏肺虫如蚕皆

能殺人惟肺虫為急肺虫居肺葉 入肺系故成瘵疾

咯血聲嘶藥所不到治之為難道藏中載諸虫頭皆向下

行唯自初一至初五以前頭上行故服藥多取月朞以前

蓋為此也

取寸白虫方

畫粉

密陀僧各等分

右為末每服二錢用麻油調服空心下頃刻成涎取下

取寸白虫

錫灰一兩

木鱉

蘆薈二十文

黃丹文十

輕粉文十

右為末猪膏油丸如桐子大先齋一日晚莫喫飯次早五更溫水調下分作二服

制虫制勞悅肌膚去勞熱

檳榔半一兩

龍膽草兩一

乾漆兩半

右為細末煉蜜丸如桐子大每服十九至十五丸熟水吞下

張仲文治寸白虫熬胡粉令燥平旦作肉臃以藥方寸七入臃中服之效

丹治諸虫練皮細末米飲調下二錢七斗門方

子主脾胃有虫食即痛面黃無色疼痛無時以石州蕪荑仁二兩和麩炒令黃色為末非時米飲調二錢七瘥

經治蛔虫吐水心痛鶴虱三兩為末蜜丸平旦漿水服二十九愈千金方為末空心溫醋湯下虫當出

經胃宿食冷多寸白虫每朝空心熱酒調山荳根末三錢服之其虫自出

簡治諸虫在臟腑久不瘥檳榔半兩炮搗為末每服一錢至二錢蔥蜜煎湯調下空心

外療蛔虫心痛惡心吐水乾漆熬搗蜜丸服十五丸日再服

范旺治寸白虫方狼牙五兩搗末蜜丸麻子大隔宿不夜食明日以漿水下一合服盡愈

大治寸白虫以酸石榴東引根一握淨洗細剉用水三升煎取半碗已下去查五更初溫服盡至明日取下虫一大團永絕根本一日喫粥補之

本金櫻東行根治寸白虫剉二兩入大米三十粒水二升

煎五合空心服須臾瀉下

干治寸白虫茱萸根洗去土四兩切以水酒各一升漬一

宿平旦分再服凡茱萸皆用細根東北陰者良若稍大如

指已上者皆不任用

食治蛔虫心痛面青口中沫出

以水三斗煮如飴去查空心服

仍通宿不食來日平明服之效

本取寸白虫苦絲瓜不以多少切為末每服二錢好酒二

盞空心調服

竹木香三稜散治腹中有虫面色痿黃一切積滯

黑牽牛半生半炒大腹子多

錫灰醋炒

三稜煨

蓬朮煨

木香

大黃已上各一兩

檳榔

雷丸

右為細末每服三錢空心用蜜水調下或砂糖水亦可

須先將燒肉一片口中半嚼之休嚥下吐出口中肉汁

後服藥

右方有攻性而下虫者

本崔元亮海上方治一切心痛無問新久以生地黃一味

隨人所食多少搗取汁搜麩作餈飴或冷淘食良久當利

出虫長一尺許頭似筆管後不復患至元十年通事舍人

崔抗女患心痛垂氣絕遂作地黃冷淘食之便吐一物可

方一寸如蝦蟆狀無目足等微似有口蓋為此物所苦自

此頓愈麩中忌用鹽

丹治蛭虫吐清水氣口刺痛取生艾汁隔宿勿食以肥香

脯方寸片先喫令虫聞香次即飲一升必下蛭虫胸喉中

覺有虫上下偏喜聞蔥豉油食之香者兩三日不食開口

而臥將油煎蔥豉令香放口邊虫當自出引而去之但隨所喜物用之亦可

世治心痛稀蒺藜草搗汁醋和服之效有人服此吐虫二條終身不發

子和酒官楊仲仁病心氣痛此人常好飲酒初飲二三杯必奔走三五十次其酒稍散方能復席飲至前量醉後至明日嘔清黃水數口夜變魚腥臭六七日始安戴人曰宜吐乃吐虫一條青黃色長六七寸口目鼻俱全二目膜瞞狀如蛇類楊醃乾示人

仲虺虫為病令人吐涎心痛發作有時毒藥不止甘草粉蜜湯主之

甘草二兩

粉一兩

蜜四兩

右三味以水三升先煮甘草取二升去查內粉蜜攪令

和煎如薄粥温服一升瘥即止

孫向大王宮中有一官人七太尉所寵也忽患一疾凡惡心則吐虫數條後乃類作七太尉甚愍之累治不瘥每用殺虫藥則吐虫愈多召孫診之孫曰六脈皆細非虫脈也今雖吐虫乃臟寒而虫不安失居上膈因而吐出復用殺虫藥虫為藥所苦不能自安所以吐虫愈多也孫遂用藥不三五服皆一色丸子虫遂不吐明日再召孫至六脈漸大進前藥其病不作後求方乃硫黃附子各一两並末粳米糊為丸每二十九丸米飲下

仲烏梅丸治虺

方見傷寒陰病

氣痛

河正氣天香散治心痛但忍氣則發者

方見虛實法

血痛

丹心痛脈澁者有死血又云作時飲湯水下作吃者有死

血桃仁承氣湯下之

方見傷寒

凡治證必要先問起居何如

假如心痛有因平日喜食熱物以致死血留於胃口作痛用桃仁承氣湯下之切記輕者用葦汁桔梗能開提其氣血藥中兼用之

經失笑散治婦人心痛氣刺不可忍五灵脂淨好者蒲黃等分爲末每二錢用黃醋一杓熬成膏再入水一盞煎至七分熱服效

世手拈散治心脾疼極驗詩云草果玄胡索灵脂并没藥酒調三二錢一似手拈却 又治心痛劉寄奴末六錢玄胡索末四錢薑汁熱酒調服妙

簡治九種心痛腹脇積聚滯氣筒子乾漆二兩搗碎炒出烟細研醋煮麩糊和丸如桐子大每服五丸至七丸熱酒下醋湯亦得服無時

外治心痛當歸爲末酒調服方寸七
丹治心痛亦能治哮喘半夏研碎香油炒薑汁炊餅爲丸薑湯下二十九

五味鹹更堅條海蛤丸寒條括萎半夏韭白湯表條桂麻石碱丸皆治痰飲心痛之妙劑也

世治心痛累效陳年白蠅螺殼洗淨爲末熱酒調下一錢半即愈
丹一味牡蠣粉酒調下二錢氣實者可用

治痰飲心痛海蛤丸
海蛤 燒爲灰研極細過 瓜萎仁 帶穰 同研
右以海蛤入瓜萎內乾濕得所爲丸每服五十九

又方治脾疼海蛤粉佐香附末用川芎山梔生薑汁煎辣湯調服爲佳
斗治血氣攻心痛不可忍以蓼根剉酒浸服之瘥

雜方

世心痛枯礬辰砂少許每半錢人參湯調下 一方用白礬辰砂糊丸好醋吞下神效 又方辰砂一味研好醋調服效 又方用白礬為細末每服一錢茶調下

外黃連湯肘後龍膽湯並見卒心痛熱條

仲粉蜜丸脾受肝制而急故虫不安用粉蜜之甘緩以安之方見虫條

素少陽所謂心脇痛者言少陽盛也盛者心之所表也九月陽氣盡而陰氣盛故心脇痛也所謂不可反側者陰氣藏物也物藏則不動故不可反側也脈解篇

瑞蚕沙散治男子婦人心氣痛不可忍者晚蚕沙不拘多少為細末用滾湯泡過濾淨取清水服之立止 又方黃荊子炒焦為末米飲調下亦治白帶 治心痛用洗淨王簪花根搗濃汁雜和好酒一半熱服

運氣

干治心腹俱痛以布裹椒薄注腹上火熨令椒汗出良運氣心痛凡熱風濕寒燥五氣之初皆能干心而痛蓋心為五臟之主故也

一曰熱邪干心經云少陰司天熱淫所勝病心痛肺臍又云少陰之復暴痞心痛又少陽之勝熱客於胃煩心心痛又云陽明司天燥氣下臨暴熱至甚則心痛此在泉之熱為痛治皆以寒劑是也

二曰寒邪干心經云太陽司天寒氣下臨甚則心痛又云陽明司天之政四之氣寒雨降病心痛又云歲水太過民病上下中寒煩心躁悸心痛又云歲金不及炎火乃行復則寒雨暴至心痛又云水鬱之發民病寒客心痛又云太陽司天寒淫所勝病厥心痛又云太陽之復心胃生寒心痛痞滿又云少陽在泉主勝則熱反上行而客于心心痛

蓋終之氣寒勝其客也又云歲火不及寒乃大行病鬱胃
蒙昧心痛又云太陽之勝寒厥入胃則内生心痛皆治以
熱劑是也

三曰風邪干心傷胃經云少陽司天之政終之氣風乃至
心痛又云少陽司天風行于地心痛胃脘痛鬲不通又云
歲水不及濕乃大行復則暴風大發鬲中痛於心腹又云
木鬱之發民病胃脘當心而痛鬲咽不通又云厥陰在泉
風淫所勝心痛支滿又云厥陰司天風淫所勝胃脘當心
而痛又云厥陰之復厥心痛又厥陰之勝胃脘當心而痛
治皆以涼劑是也

四曰濕邪干心經云土鬱之發心痛脇臑又云太陰在泉
濕淫所勝病飲積心痛又云太陰之勝火氣內鬱心痛熱
格治皆以熱劑是也

五曰燥邪干心經云陽明之復善太息心痛痞滿治以溫
劑是也

六曰寒熱中干心經云少陰司天之政寒熱凌犯而爭於
中寒厥入胃心痛三之氣大火行寒氣時至民病氣厥心
痛治分寒熱多少調之是也

針灸

厥心痛者他臟病干之而痛皆有治也真心痛者心臟自
病而痛故夕發旦死旦發夕死無治也然心臟之經絡有
病在標者其心亦痛而有治經云心手少陰之脈是動則
病噎乾心痛渴而欲飲又心主手少陰之脈所生病者心
痛掌中熱皆視盛虛熱寒陷下取之又經云手心主之別
名曰內關去腕二寸出於兩筋之間實則心痛取之兩筋
間也又云邪在心則病心痛喜悲時眩仆視有餘不及調
其俞是也

靈厥心痛與背相控善瘳如從後觸其心僂倭者腎心痛也先取京骨崑崙發針不已取然谷厥病篇下同心痛引背灸刺法有四

其一取足太陽經刺節云取京骨崑崙者是其穴也蓋足太陽之正循督當心入散絡故心痛引背取之也

其二取足少陰經刺節云取京骨崑崙不已取然谷者是其穴也又經云腎足少陰經之脈所生病者煩心心痛視盛虛熱寒陷下取之也又經云心痛引腰脊欲嘔取足少陰者是也蓋足少陰脈貫脊絡心故亦治心痛引背也

其三取足少陽經云心痛引背不得息刺足少陰不已取少陽者是也蓋手少陽之脈散絡心脈又三焦下俞曰委陽是足太陽絡足太陰循督當心入散絡故亦治心痛引背也

其四取督任脈經云背為心相控而痛所治天突與十椎及上紀上紀者胃脘也下紀者關元也又云心痛當九節刺之按已次按之立已不已上下求之得之立已者是也蓋十椎與九節者督脈也胃脘與天突者任脈也

厥心痛腹脹胸滿心尤痛甚者胃心痛也取之太都太白心痛兼脹灸刺法有二

其一取足太陰經云取太都太白者是其穴也又經云脾足太陰之脈是動則病胃脘痛腹脹所生病者煩心心下急痛者視盛虛熱寒陷下取之又云心痛腹脹嗇嗇然大便不利取足太陰者是也蓋足太陰脈從胃上膈注心中故心痛腹脹者取之也

其二取足陽明經云胃病者腹脹胃脘當心而痛飲食不下取之三里者是也蓋胃脘當心痛者似心痛實非心痛

也

厥心痛如以錐針刺其心心痛甚者脾心痛也取之然谷太谿

脾心痛而取然谷太谿者故孫真人張潔古謂之妄經也

厥心痛色蒼蒼如死狀終日不得太息肝心痛也取之行間太衝

心病色蒼如死狀者取肝其兼小腸滿便澀難者亦取肝經云心痛引少腹滿上下無常處便澀難刺足厥陰是也

厥心痛臥若徒居心痛間動作痛益甚色不變肺心痛也取之魚際太淵

徒居謂間居間謂痛緩心痛臥與間居則痛緩動作則益甚者取肺其兼短氣者亦取肺經云心痛但短氣不足以息刺手太陰者是也

心痛不可刺者中有盛聚不可取于膻膈中有虫瘕及蛟蛸皆不可取以小針心腸痛懷作痛腫聚往來上下行痛有休止腹熱喜渴涎出者是蛟蛸也以手聚按而堅持之無令得移以大針刺之久持之虫不動乃出針也

集九種心痛 間使 靈道 公孫 太衝 三里 陰陵泉

桑心氣痛 巨缺 雄尾 各取一 輿隆 瀉之

撮脾脊後心疼痛 中渚 瀉之 灸心痛背穴 心俞

鬲俞

潔心痛脈弦肝原穴 脈沉腎原穴 脈瀋肺原穴 脈

浮心原穴 脈緩脾原穴

摘冷心痛 巨缺燔針刺之如五臟氣相干而脇痛

玉心脾疼 上腕二寸半瀉 中腕二寸半補

甲心痛不可按煩心巨缺主之 心痛有虫多涎不得反

側上管主之 心痛上搶心不欲食支痛引鬲建里主之

撮心胸痛并氣攻 勞宮 大陵各三分瀉之 內關

甲心痛善悲厥逆懸心如飢之狀心恒而驚太陵及間使

主之 心寒痛難以挽仰心疝衝胃死不知人中腕主之

心痛嘔噦嘔血驚恐畏人神氣不足郄門主之

難陰維為病苦心痛內關穴通陰維

甲脾逆氣寒厥急煩心善唾噦噫胸滿噉呼胃氣上逆心

痛太淵主之針云肺脹胃逆 心膨痛尺澤主之千金云心煩悶亂少氣不足以

息 心痛卒欬逆尺澤主之出血立已 胸痺心痛肩內

麻木天井主之 胸脇背相引而痛嘔吐不食幽門主之

胸痺心痛不得息痛無常處臨泣主之千金云不得反側

丹心痛雖日數多不喫飯不死若痛止便喫物還痛必須

三五服藥方可喫物 心痛左手脈數熱多脈濇有死血

右手脈實是痰積 脈大必是久病 兩手脈堅實不

大便者下之 痛甚者脈必伏多用溫藥附子之類不可

用參朮 心脈微急為心痛引背食不下全文見治虛實法

仲問曰病腹痛有虫其脈何以別之師曰腹中痛其脈當

沉若弦反洪大故有虵虫 脾脈微滑為蠱毒蝮蝎腹熱

全文見治虛實法 脈關上脈緊而滑者虵毒 脈沉而滑者寸白 肘後

以下三四寸熱者腸中有虫全文見診 真心痛手足青至節

熱則生虫故脈主虫洪大者主虫

診

卒心痛

竹治急心疼方

斑猫七箇頭胡椒四十粒

右將二味同炒令斑猫焦碎吹去斑猫不用却將淨胡椒研為細末只作一服熱酒調下不拘時候
治暴心痛不可忍者

荔枝核丹溪云荔枝核屬金性燥熱

右為末每服一錢水醋各半盞煎七分稍熱服

外治卒心痛黃連八兩一味咬咀水七升煮五升絞去渣溫飲五合日進三服

肘卒心痛龍膽草四兩酒三升煮一升半頓服

仲走馬湯治中惡心痛腹脹大便不通

巴荳二枚去皮心炒杏仁二枚

右二味以綿纏槌令碎熱湯二合捻取白汁飲之當下
老少量服通治飛尸鬼擊等病

有虫

竹海上方急救男子婦人心疼牙關噤欲死者用隔年陳葱白三五根去皮鬚葉搗為膏將病人口幹開用匙將膏送入咽喉用香油四兩灌送下油不以多少但得葱下喉

其人必甦少時將腹中所停虫病等物化為黃水微得利為佳除根永不再發累效一方用真香油頓服一盞亦妙

雜方

肘治卒心痛白艾成熟者一升水二升煮取一升去查頓服若為客氣中者當吐虫丹溪云艾屬火而有水服多者有毒發

治卒心痛東引桃枝一握切碎以酒一升煎去半升頓服大效

針灸

經云邪客于足少陰之絡令人卒心痛暴脹胸脇支滿無積者刺然骨之前出血如食頃而已不已左取右右取左

病新發者五日已

摘卒心痛不可忍

上腕

八分先補後瀉覺針下氣行如滾雞子入腹為度次取後穴

氣海

湧泉

無積者刺之如食頃而已有積者先飲藥利之刺之立已如不已再刺後穴

間使

支溝

三里

丹鍼灸經治卒心痛不可忍吐冷酸水及原臍氣少灸足

大指次指內約文中各一壯如小麥大下火立瘥

甲卒心痛瘳癡互相引肘內廉痛心敖敖然間使主之

卒心痛汗出大敦主之出血立已 心腹中卒痛而汗出

石門主之

胎前心痛

血虛

大治妊娠卒心痛氣欲絕

川芎

當歸

茯苓

厚朴各等分

右水六升煎二升分二服

虛熱

白朮散治妊娠卒心痛欲死不可忍者

白朮

赤芍藥

各二兩半 黃芩

右水六升煮取二升半分三服半日令盡微下水令易

產忌桃李雀肉

產後心痛

滯氣

羅火龍散治產後心痛

艾葉

鹽炒

茴香

炒

川練子

炒各一兩

右為末水煎服

汚血

大治婦人血崩心痛甚者名曰殺血心痛小產下血過多

而心痛者亦然用烏賊魚墨炒為末醋湯調下此魚腹多有墨汁見

人過必吐其墨以蔽身

失笑散治心腹痛百藥不效服之即愈方見心痛汚血條

救治產後血不盡心腹痛荷葉熬令香為末水煎下方寸

寒

七

天大崑蜜湯治產後血寒心痛

熟地

當歸

獨活

吳茱萸

芍藥

乾薑

甘草

桂心

小草

各一兩

細辛

半兩

右為散每服半兩水三盞煎至一盞去查稍熱服

聖治產後惡血衝心痛氣悶欲絕用桂心三兩搗羅為散
狗膽汁和丸如櫻桃大不拘時候熱酒磨下二丸

諸般氣痛

大法

丹氣痛一身腔子裏氣痛少用木香於藥內行得開

河正氣天香散治婦人一切諸氣或上奏心胸或攻築脇

肋腹中結塊發渴刺痛月水不調或眩暈嘔吐往來寒熱

減食

方見治虛
實氣血條

氣滯

丹調氣方

香附

四兩

人參

一兩

烏藥

二兩

砂仁

一兩

甘草

炙二兩

右為細末熟湯調服

本治脾積氣婦人諸般氣痛

香附

五兩

蓬朮

醋煮

甘草

各二兩

右各淨研為細末每服二錢入鹽少許百沸湯空心熱服

治一切氣疾丈夫婦人撞心冷氣並皆治之

香附

一斤炒

陳皮

四兩

甘草

生一兩

右為細末每服二錢空心鹽湯點服

丹寬中丸 枳殼為末酒糊丸

婦人患氣痛喜食熱物 二陳湯加木通薑五片煎下保

濕痰

和丸

女子患氣痛要揉者曾服烏沉湯有效又再發

陳皮六錢半

半夏

青皮兩半

芍藥二錢

木通

川芎

茱萸一錢

甘草五分

右分五貼薑三片煎服

明五院君出外怒歸膈痞痛不思食脈沉弦稍數此氣抑不通也

半夏三錢

青皮

枳殼各二錢

黃芩

芍藥各錢半

木通

甘草各一錢

右薑三片煎取半盞下保和丸三十粒

三七嫂怒後氣痛脈沉不思食

青皮一錢

柴胡半錢

甘草二分

半夏一錢

黃芩五分

木通三錢

陳皮五分

右薑三片煎服

熱

感村婦人五十七歲氣痛不可按漸漸痛至足

青皮

芍藥各三錢

川芎

陳皮各三錢

黃栢炒

木通各一錢

甘草些

右分三貼煎熱飲

寒

本治婦人室女血氣刺痛不可忍日夜叫喚可憐者一服效

芸薹子

肉桂板桂也

良薑

沒藥各等分

右焙乾為末每服三錢乳香湯調下熱服不拘時候

孟詵心腹中結伏氣杏仁陳皮桂心訶黎勒皮為丸空心

服三十九

實積

本和氣散治男婦一切氣疾他藥不瘳者

甘草炙半兩

白芨一兩

地骨皮

山蜈蚣

藿香

兩半

白芷

兩一

木香

紅內消

山慈菘

各半兩

右焙乾為末每服二大錢空心塩湯點服余鄉村有一老醫數世習醫凡婦人氣疾惟憑此藥百發百中

胃病胃滿

心病

經云南風生於夏病在心俞在胃脇又云仲夏善病胃脇此則胃脇痛屬心故入心部

肝病

肝虛則胃痛引背脇肝實則胃痛不轉側喜太息肝著則常欲蹈壓其胃經云春脈如弦其氣不實而微此謂不及令人胸痛引背下則兩脇脹滿此肝虛而其脈症見於春如此也

仲肝中寒者兩臂不舉舌本燥喜太息胃中痛不得轉側食則吐而出汗也 肝著其人常欲踏其胃上先未苦時

但欲飲熱旋覆花湯主之

方未考金匱婦人門有旋覆花湯方或云是此

素陽明所謂胸痛短氣者水氣在臟腑也水者陰氣也陰

氣在中故胸痛少氣也

仲胸痺之病喘息咳唾胸背痛短氣寸口脈沉而遲關上

小緊數者宜以括萎薤白白酒湯主之

脈沉遲者寒痰虛痰

括萎實

一箇

薤白

半升

白酒

七升

右三味同煮取二升分温再服

括萎薤白半夏湯治胃痺不得臥心痛徹背

方見心痛門

胃痺心中痞留氣結在胸胸滿脇下逆搶心枳實薤白桂

枝湯主之人參湯亦主之

枳實薤白桂枝湯

枳實

四枚

厚朴

四兩

薤白

半斤

桂枝

一兩

括萎實

一箇

右五味以水五升先煮厚朴枳實取二升去查納諸藥
煮數沸分温作三服

人參湯

白朮

人參

甘草

乾薑各二兩

右四味以水八升煮取三升温服一升日三服

按之滿痛者熱

孫主簿季述之母患胸中痞急不得喘息按之則痛脈數
且濇曰胃痺也因與仲景三物小陷胸湯一劑和二劑愈

方見傷寒

仲支飲胸滿者枳朴大黃湯主之

厚朴一兩

大黃六兩

枳實四枚

右三味水五升煮取二升分温再服

痰雜方

脈寸口脈沉胸中引脇痛胸中有水氣宜澤漆湯及刺巨

關瀉之

澤漆湯仲景方也見咳門

杜壬治胃脇痛徹背心腹痞滿氣不得通及治痰咳大括

萎去穰取子熟炒連皮研和麩糊為丸如桐子大米飲下

五十九

斗治胸腹雍滯去痰開胃用半夏洗淨焙乾搗羅為末生

薑自然汁和為餅子用濕紙裹於慢火中煨令香熟水一

盞用餅子一塊如彈丸大入鹽半錢煎取一盞温服能去

胸膈壅逆大壓痰毒及治酒食所傷其功效大矣

丹鄭仲游年二十有三高有一點相引痛吸氣皮覺急

汚血

滑石一兩

桃仁半兩

枳殼一兩

黃連半兩

甘草灸二錢

右為細末每錢半以蘿蔔根自然汁研煎熟飲之一日

五六次

仲本年二十七因吃熱補藥又妄自學吐納以致氣亂血

熱嗽血消瘦遂與行倒倉法今嗽血消瘦已除因喫炒豈
米膈間有一點氣梗痛似有一條絲垂映在腰與小腹亦
痛大率偏在左邊此肝部有惡血行未盡也

滑石兩一

黃丹三錢

枳殼炒一兩

黃連五錢

生甘草二錢

紅花一錢

柴胡五錢

桃仁二兩

右為細末每服一錢半以蘿蔔自然汁煎沸服之

垣上清散清利頭目寬快胸中不利者悉利於表

黃芪三錢

甘草二錢

人參三錢

葛根一錢半

防風根一錢

蔓荊子半錢

右咬咀分作二服每服水一盞半煎至一盞去查臨臥

溫服以夾衣蓋覆面首不語須臾汗出為效未服藥預

一日不語如服藥畢亦一日不語

運氣胸痛有二

運氣

其一火邪助心經云歲火太過甚則胸中痛脇支滿脇痛

膺背肩胛兩臂內痛是也

其二金邪傷肝經云歲金太過民病胸痛引背兩脇滿且

痛引少腹又云歲土不及風乃大行民病體重腹痛金復

則胃脇暴痛引少腹者是也

內經灸刺胸痛有四

針灸

其一取心經云心痛者胸中痛脇支滿脇下痛膺臂肩胛

間痛兩所臂內痛實則胸腹大脇下腰子相引而痛取其

經少陰太陽舌下血者其變病刺郄中血者是也

其二取腎經云腎虛則胃中痛大腹小腹痛取其經少陰

太陽血者按刺法不分補瀉但言取血王註謂先去血脈

後調虛實也
其三取膽經云膽足少陽脈所生病者胸脇肋髀膝外皆

痛詳盛虛熱寒陷下取之也

其四取筋經云手心主之筋其病當取過者又轉筋前及胸痛息賁治在燔針劫刺以知為數以痛為輸又足太陽之筋足少陽之筋痛皆引胸痛治在燔針劫刺以知為數以痛為輸也

灸刺胃滿有三法

其一取氣海經云膻中者氣之海其輸上在手柱骨之上下前在於人迎氣海有餘者氣滿胸中悅息面赤審守其輸而調其虛實無犯其害是也
手柱骨滑伯仁謂肩脚上際會處是穴也
其二取肝經云肝足厥陰脈所生病者胸滿嘔逆飧泄狐疝遺溺閉癢詳盛虛熱寒陷下取之也

其二取胃經云厥逆腹滿面腫唇漯漯然暴言難甚則不能言取足陽明是也

集胸脇痛不堪

期門四分

章門六分灸七壯

至七七壯

行間

丘墟 湧泉

東又法

期門沿皮二寸

支溝

膽俞

沿皮一寸五分

甲胸滿痛璇璣主之

胸脇摺滿痛引胸中華蓋主之

胸脇摺滿痺痛骨疼飲食不下嘔逆上氣煩心紫宮主之

胸中滿不得息脇痛骨疼喘逆上氣嘔吐煩心王堂主

之 胸脇背相引痛心下胸中嘔吐多睡飲食不下幽門

主之 胸脇摺滿痛引膈不得息悶亂煩滿不得飲食靈

墟主之 胸脇摺滿劫引背痛臥不得轉側胸鄉主之

大氣不得息息即胸脇中痛實則其身盡寒虛則百節盡

縱大包主之 胸滿善太息胸中膨膨然丘墟主之千金云胸

背 胸中痛天容主之 胸脇摺滿勞宮主之 胸痺引

背時寒間使主之 胸滿不得息頸頰腫陽谷主之千金云陽

胸脇痞滿膈塞飲食不下嘔吐食後還出中庭主之

胸脇痞滿癢痰引臍腹痛短氣煩滿巨闕主之

胸脇痞滿不得息咳逆乳癆洒淅惡寒神封主之 胸脇

痞滿膈逆不通呼吸少氣喘息不得舉臂步廊主之 胸

脇痞滿惡聞人聲木音巨虛上廉主之 胸下滿痛膺腫

乳根主之 胸脇痞滿喘逆上氣呼吸喘息不知食味氣

戶主之 胸脇脹腸鳴切痛太白血主之

撮胸滿血膨 期門一分沿皮向外一寸五分瀉

甲傷食脇下滿不能展轉反側目青而嘔期門主之 暴

脹胃脇痞滿足寒大便難面唇白時時嘔血太衝主之

胸中暴滿不得眠轍筋主之 胸脇痞滿寒如風吹狀俠

溪主之 胸脇滿頭痛項內寒熱外丘主之 多臥善唾

胸滿腸鳴三間主之

診

仲脈當取太過不及陽微陰弦即胸痺而痛所以然者極

虛也今陽虛知在上焦所以胸痺心痛者以其陰弦故也

白色麓理者肺大肺大則多飲善病胸痺全文見診下同

脇偏踈者肺偏傾肺偏傾則胸偏痛

胸痺短氣緩急

仲胸痺胸中氣塞短氣茯苓杏仁甘草湯主之橘枳薑湯

主之

茯苓杏仁甘草湯

茯苓二兩 杏仁五十箇 甘草一兩

右三味以水一斗煮取五升溫服一升日三服

橘枳薑湯

陳皮一斤 枳實三兩 生薑半斤

右三味以水五升煮取二升分溫再服

氣

寒

干治胸痺氣滿壅心膈不利枳實二兩麩炒微黃為末非時以清粥飲調下二錢聖惠方同

仲胸痺緩急者薏苡仁附子散主之

薏苡仁十五兩 大附子十箇

右二味杵為散服方寸七日三服

煩燥 虛煩 胎前虛煩 產後虛煩 躁 懊懣

脊悶

大法

垣煩躁發熱論 黃帝針經五亂篇云氣亂於心則煩心

蜜默俛首靜伏云云氣在於心者取少陰心主之俞又云

咳喘煩寃者是腎氣之逆也又云煩寃者取足少陰又云

煩寃者取足太陰仲景分之為二煩也躁也蓋火入於肺

則煩入於腎則躁俱在於腎者以道路通於肺母也大抵

煩躁者皆心火為病心者君火也火旺則金爍水虧惟火

獨存故肺腎合而為煩躁又脾經絡於心中心經起于脾

中二經相搏濕熱生煩夫煩者擾擾心亂兀兀欲吐怔忡

不安躁者無時而熱冷汗自出少時則止經云陰躁者是

也仲景以梔子色赤而味苦入心而治煩鹽豉色黑而味

鹹入腎而治躁名梔子豉湯乃神藥也若有宿食而煩者

梔子大黃湯主之

運氣煩躁有二

一曰熱助心火煩躁經云少陰之復燠熱內作煩躁鼽嚏

又云少陽之復心熱煩躁便數憎風是也

二曰寒攻心虛煩躁經云歲水太過寒氣流行邪害心火

病身熱煩心躁悸陰厥是也

成煩為擾而煩躁為憤躁之躁合而言之煩躁為熱也析

而言之煩陽也躁陰也煩為熱之輕者躁為熱之甚者

診

無內熱曰煩外熱曰躁

謹按先賢治煩躁俱作有屬熱者有屬寒者治獨煩不躁者多屬熱惟悸而煩者為虛寒治獨躁不煩者多屬寒惟火邪者為熱蓋煩者心中煩胸中煩為內熱也躁者身體手足躁擾或裸體不欲近衣或欲在井中為外熱也內熱者有本之熱故多屬熱外熱者多是无根之火故屬寒也

內外俱虛身躰冷而汗出微嘔而煩擾手足厥逆躰不得安靜者死 熱病七八日其脈微細小便不利加暴口躁脈代舌焦乾黑者死

虛煩

活人云虛煩似傷寒非傷寒也成無已云傷寒有虛煩有心中煩有胸中煩二說不同攷之於書成無已之言實出

仲景活人無據然往往有非因傷寒而虛煩者今故兩存之立虛煩一門於此心部立傷寒煩一門於傷寒部

診治

無虛煩身不覺熱頭目昏疼口乾咽燥不渴清清不寐皆虛煩也

保起臥不安睡不穩謂之煩宜梔豉湯竹葉石膏湯二方並見

傷寒

但煩熱者清肺去痰

活云但獨熱者虛煩也諸虛煩熱與傷寒相似但不惡寒身不疼痛故知非傷寒也不可發汗頭不痛脈不緊數故知非裏實也不可下病此者內外皆不可攻攻之必遂煩渴當與竹葉湯若嘔者與陳皮湯一劑不愈再與之孫真人云此去數用有效

陳皮湯

陳皮一兩 甘草炙五錢 人參一分 竹茹五錢

右劉如麻荳大每服五錢水一盞半薑三片棗一枚煎至七分去查食前服

無淡竹茹湯治心虛悶頭疼短氣內熱不解心中悶亂及婦人產後心虛驚悸煩悶欲絕

麥門冬去心 小麥各二兩半 甘草炙一兩 人參

白茯苓各一兩半 半夏湯洗二兩

右劉散每服四錢水二盞薑七片棗三枚淡竹茹一塊如指大煎至七分去查食前服

煩熱冲心乱者安神

垣朱砂安神丸治心亂煩熱怔忡心神顛倒兀兀欲吐胸中氣亂而熱有似懊懷之狀皆膈上血中伏熱蒸蒸不安宜用權法以鎮陰火之浮行以養上焦之元氣用甘草之甘溫補之當歸生地又為長生陰血之聖藥黃連去心煩除濕熱朱砂納浮游之火而安神明

朱砂一錢研 黃連淨酒炒一錢半 甘草炙五分 生地

當歸頭各一錢

右為極細末蒸餅為丸如黃米大每服十九津下

下痢後煩者吐之

仲下痢後更煩按之心下濡者為虛煩也梔子豉湯主之方見傷寒部煩門

煩而汗出不解者刺之飲湯

素帝曰有病身熱汗出煩滿煩滿不為汗解此為何病岐伯曰汗出而身熱者風也汗出而煩滿不解者厥也病名曰風厥帝曰愿卒聞之岐伯曰巨陽主氣故先受邪少陰與其為表裏得熱則上從之從之則厥也帝曰治之奈何岐伯曰表裏刺之飲之服湯評熱論刺謂針足太陽六陰也飲之服湯謂仲景止逆下

氣麥門冬湯之類也

煩欲入井脈伏口渴手心熱者

丹一女子年二十餘歲在室素強健六月間發煩悶困憊不食發時欲入井六脈皆沉細而弱數兩日後微渴衆以

為病暑治不效四五日加嘔而人瘦手心極熱喜在陰處
漸成伏脈時妄語予急制局方妙香丸如桐子大以井水
下一丸半日許大便藥已出病無退減遂以麝香水洗藥
以針穿三竅次日以凉水送下半日許大便下稠痰數升
是夜得睡困頓伏枕旬日而愈因記金匱云昔肥而今瘦
者痰也遂作此藥治之

妙香丸丹溪云疏決腸胃制伏木火藥也

辰砂飛研

牛黃

龍腦

膩粉

麝香研各一兩

金箔九十片

巴莖三百十五粒去尖膜炒熟研

右令研勻煉黃蠟六兩入好蜜三分同煉令勻為丸每
兩作三十九丸如要此藥速行針刺一眼子冷水浸少時
服效更速小兒百病丸如菘荳大

不得無

溫膽湯治大病後虛煩不得眠方見不

虛

仲酸棗湯治虛勞虛煩不得眠方見不

右九法治熱煩前五法煩熱怔忡知熱在心肺也故用
竹葉石膏辰砂鎮墜其熱使下行也第六法煩而下利
知熱在上也故用梔豉湯吐之第七法煩而汗出不解
知表裏有邪也故用表裏飲湯第八法脈沉口渴手心
熱知熱不在表也故用妙香丸下之第九法溫膽酸棗
治不得眠也

煩皆生於虛

凡心虛則煩心肝腎脾虛亦煩心經云夏脈者心也其不
及者令人煩心又云肝虛腎虛脾虛皆令人躰重煩寃者
是知煩多生於虛也

運氣

運氣煩有五

一曰熱助心實而煩經云少陰司天熱淫所勝病胃中煩
熱噎乾又云少陽司天火淫所勝病煩心胃中熱又云少

陽之勝煩心心痛治以鹹寒是也

二曰心從制而煩經云太陽司天寒氣下臨心氣上從寒清時舉火氣高明心熱煩是也

三曰金攻肝虛而煩經云歲金太過燥氣流行肝木受邪民病體重煩寃是也

四曰土攻腎虛而煩經云歲土太過雨濕流行腎水受邪民病體重煩寃又云歲水不及濕乃大行民病煩寃足痿是也

五曰木攻脾虛而煩經云歲木太過風氣流行脾土受邪民病體重煩寃蓋肝虛腎虛皆令人體重煩寃故金太過則肝虛土太過則腎虛木太過則脾虛凡此三太過之歲則肝腎脾受邪而虛皆病體重煩寃也

針灸

灸刺煩心有四

其一取心俞經云心主手厥陰心包絡之脈所生病者煩心心痛掌中熱詳盛虛熱寒陷下取之又云氣亂于心則煩心密默俛首靜伏取之手少陰心主之腧是也

其二取腎膀胱俞經云腎足少陰之脈所生病者煩心心痛痿厥足下熱痛視盛虛熱寒陷下取之又云舌縱涎下煩惋取足少陰又云足少陰之别名曰大鍾當踝後繞跟別走太陽其病氣逆則煩悶取之所別也又汗出煩滿不解表裏取之巨陽少陰也

其三取肺俞經云手太陰之脈所生病者煩心胃滿視盛虛熱寒陷下取之又云振寒洒洒鼓頷不得汗出腹脹煩寃取手太陰是也

其四取脾俞經云脾足太陰之脈所生病者煩心心下急痛溏瘕泄水閉視盛虛熱寒陷下取之是也

熱

胎前虛煩

大竹葉湯治妊娠苦煩悶名曰子煩

防風

黃芩

麥冬去心各二兩

白茯苓四兩

右剉散每服四錢水二盞竹葉十數片煎七分去查溫服之

益母丸治子煩似虛不得臥者即知母丸但用棗肉為丸以人參湯嚼下方見日月

治子煩口乾不得臥用黃連去鬚為細末每服一錢粥飲調下

產後虛煩

血攻心

大治產後餘血不盡奔心煩悶生藕汁飲二升甚效竹瀝亦得
治產後餘血攻心或下血不止心悶面青冷氣欲絕羊血一盞頓服如不定更服立效

產後血虛氣煩生地黃汁清酒各一盞相和煎一沸分一服服之

治產後虛煩用蒲黃以東流水和服方寸匕極良

治產後短氣欲絕心中煩悶竹葉湯

竹葉切

麥門冬

小麥各一升

甘草一兩

生薑二兩

大棗十四箇

右切以水一斗煮竹葉小麥至八升去查納餘藥煮取三升去查溫服虛悸加人參二兩少氣力加糯米五合

雲產後虛煩不得眠芍藥枳湯

芍藥

當歸

枳子各五錢

香豉半合

右如枳子豉湯修服產後傷寒便同下後變証此方雖不若仲景酸

東湯穩當

大竹葉湯方見虛條

熱

煩不得眠者吐之

煩短氣欲絕者補之

重可去

四肢煩
熱者為
表

雜方

經治產後煩躁禹餘糧一枚狀如酸餚者入地埋一半四面緊築用炭一秤發頂火一斤煨去火三分耗二為度用濕沙土罨一宿方取出打去外面一重只使裏內細研水淘澄五七度將帑襯乾再研數千遍用甘草煎湯調二錢七只一服立效

仲二物黃芩湯婦人在草褥自發露得風四肢苦煩熱頭痛者與小柴胡湯頭不痛但煩者此湯主之小柴胡湯方見傷寒

黃芩一兩

苦參二兩

乾地黄四兩

右三味以水八升煮取二升溫服一升多吐下虫

婦人產中虛煩亂嘔逆安中益氣竹皮大丸主之

生竹茹二分

石膏二分

桂枝一分

甘草七分

白薇一分

右五味末之棗肉和丸彈子大以飲服一九日三夜二

服有熱者倍白薇煩喘者加栝實一分

躁

諸躁狂越皆屬於火

全文見診○丹溪治一女子煩欲入井中口渴心熱脈伏者妙香丸下之

愈此乃火之躁也

陰盛發躁名曰陰躁欲坐井中宜以熱藥治之

成無已云雖躁欲坐

井中但欲水不

得入口是也

垣陰躁之極欲坐井中陽已先亡醫猶不悟復指為熱重

以寒藥投之其死也何疑焉况寒涼之劑入腹周身之火

得水則升走矣

懊懣

活霹靂散

方見燥

診躁法

見煩

診

懊懣虛煩之劇者治法並見虛煩門成無已云懊者懊惱之懊懣者鬱悶之貌即心中懊懊惱惱煩煩懣懣鬱鬱然

不舒暢憤然無奈比之煩悶而甚者懊懷也

贅悶

贅悶亦虛煩之甚者治法並與傷寒虛煩同蓋贅者昏也悶者煩也凡贅而不悶者名曰昏迷悶而不贅者名曰虛煩今日贅悶者謂昏迷虛煩併病許學士所謂懊懷終夕不得臥心中無曉會處者是也

運氣

運氣贅悶者屬內熱經云火鬱之發民病贅悶懊懷又云太陽司天之政三之氣寒氣行民病心熱贅悶不治者死是也

譫妄

附中惡尸症等症

產後譫妄

產後循衣撮

空

丹虛病痰病有似鬼祟論

血氣者身之神也神既衰乏

邪因而入理或有之若夫血氣兩虧痰客中焦妨碍升降

不得運用以致十二官各失其職視聽言動皆有虛妄以

邪治之其人必死吁哉冤乎誰執其咎憲慎之子傳兄年

十七八時暑月因大勞而渴欲飲梅漿又連得大驚三四

次妄言妄見病似鬼邪診其脈兩手皆虛弦而帶沉數予

曰數為有熱虛弦是大驚又梅漿之酸鬱於中脘補虛清

熱導去痰滯病乃可安遂與人參白朮陳皮茯苓連等

藥濃煎湯入竹瀝薑汁與旬日未效眾皆尤藥之不對予

脈之知其虛之未完與痰之未導也仍與前方入荆瀝又

旬日而安 外弟戚一日醉飽後亂言妄見詢之係伊亡

兄附體言出前事甚的乃叔在邊叱之曰非邪乃食魚生

與酒太過痰所為耳灌鹽湯一大碗吐痰一二升汗因大

作歷一宵而安 金氏婦壯年暑月赴筵婦乃姑詢其坐

次失序遂赧然自愧因此成疾言語失倫其中多間一句

曰奴奴不是脈大率皆數而弦予曰此非邪乃病也但與補脾清熱導痰數日當自安其家不信邀數巫者噴水而呪之旬餘而死或曰病非邪而以邪治之何遽至於死予曰暑月赴宴外境蒸熱辛辣適口內境鬱熱而况舊有積痰加之愧悶其痰與熱何可勝言今乃驚以法尺是驚其神而血不寧也噴以法水是瀋其體密其膚使汗不得泄汗不出則蒸熱內燔血不寧則陰消而陽不能獨立也不死何為或曰外臺秘要有禁呪一科庸可廢乎予曰移精變氣乃小術耳可治小病若內有虛邪當用正大之法自有成式昭然可攷然符水惟膈上熱痰一呷冷涼胃熱得之豈不暫快亦可取安若內傷而虛與冬令嚴寒符水下咽必冰胃而致害彼鬱熱在上熱邪在表須以汗解卒得清冷膚腠固密熱何由解必致內攻陰陽離散血氣垂爭去死為近又何訝焉

仲邪哭使冤鬼不安者血氣少也血氣少者屬於心心氣虛者其人多畏合目欲眠夢遠行而精神離散冤鬼妄行陰氣衰者為顛陽氣衰者為狂

本治因驚言語顛錯不能服溫藥宜遠志丸

硃砂半兩入麝少許同研

金箔五片

遠志

南星

人參

白附子

白茯苓

酸棗仁各半兩

右為細末煉蜜丸如桐子大朱砂為衣每服三十九薄苛湯下食後臨臥服

茯神散

茯神

乾地黃

白芍藥

川芎

當歸

桔梗

白茯苓

遠志

已上各等分

運氣

右為細末每服二錢水二盞燈心末肉同煎至七分不拘時候貫明遠教授母七十四歲因戎為驚疾如上証服此二方得效

運氣譫妄即傷寒家譫妄也其病有二

一曰火邪助心經云歲火太過上臨少陰少陽病反譫妄狂越又云火太過曰赫曦其動炎灼妄擾又云少陰所至為譫妄又云少陰之復振慄譫妄又云少陽之勝心痛煩心善驚譫妄治以鹹寒是也

二曰寒邪傷心經云歲水太過寒氣流行邪害心火病身熱煩心躁悸陰厥上下中寒譫妄上臨太陽渴而妄冒又云陽明司天之政四之氣寒雨降振慄譫妄治以甘熱是也

中風譫

無加減續命湯治中風或歌哭或笑語無所不至

麻黃兩三

人參

桂枝

白朮各二兩

當歸

防已

黃芩

甘草

白芍藥

芩藜

杏仁各一兩

右剉散每服四大錢水一盞半棗二枚煎七分去查不以時服

中惡譫

病者卒心腹脹滿吐利不行如乾霍亂狀世所謂中惡是也
由人精神不全心志多恐遂為邪鬼所擊或附着沉沉默默妄言譫語誹謗罵詈訐露人事不避譏嫌口中好言未然禍福及至其時毫髮未失人有起心已知其故登高陟險如履平地或悲泣呻吟不欲見人如醉如狂其狀萬端但隨方俗攷驗治之

羅八毒赤散治男子婦人染着神鬼謂之鬼疰病

雄黃

礬石

朱砂

牡丹皮

尸疰等症

附子炮 藜蘆 巴荳各一兩 蜈蚣一條
右八味為細末煉蜜為丸如小荳大每服十九丸冷水送下無時

本飛尸者發無由漸昏然而至其狀心腹刺痛氣息喘急脹滿遁尸者停遁在人肌肉血脈之間觸即發動亦令人心腹脹滿刺痛喘急攻脇衝心瘥後復發沉尸者發時亦心腹絞痛脹滿喘急雖歇之後猶沉痼在人府藏令人無處不惡風尸者在人四肢循環經絡其狀冷躍去來沉沉默默不知痛處衝風則發伏尸者其病隱伏五藏積年不除未發身體都如無患發則心腹刺痛脹滿喘急又有諸尸注候者則是五尸內之尸注而挾外鬼邪之氣流注身體令人寒熱淋漓或腹痛脹滿喘急或礫塊踊起或攣引腰脊或舉身沉重精神雜錯恒覺昏謬每節氣改變輒

大惡積年累月漸至頓滯以至於死死後復易傍人乃至滅門故為尸疰皆用忍冬籐葉剉數斛煮令濃取汁煎服日三瘥

太乙神精丹蘇合香丸治此疾第一

因喪驚憂悲哀煩惱感尸氣成諸證變動不已似冷似熱風氣觸則發用雄朱散

雄黃 朱砂 桔梗 羌活

芍藥 當歸炒 升麻 川烏

龍腦 川芎 南星炮 山梔

陳皮 木香 莽草 白朮

枳殼 檳榔 黃芩各等分 麻黃五分

白僵蚕炒 虎頸骨醋炙 紫蘇子 鬼箭羽炒等分

蜈蚣二條 酒炙

右為細末每服二錢酒調下日三服

頃在徽城日常修合神精丹一料庚申予家一婦人夢中見二蒼頭一前一後手中持一物前者云到也未後應云到也擊下爆然有聲遂魘覺後心一點痛不可忍昏悶一時許予忽憶神精丹有此一証取三粒令服之少頃已無病矣云服藥覺痛止神醒今如常矣日後相識稍有邪氣與一二服無不應驗方在千金中治中風之要藥但近世少得曾青磁石為難合爾

無還魂湯治卒中惡奄忽氣絕口噤不開方見卒中暴厥門與仲景方同

但加桂耳

千五邪湯治邪氣啼哭或歌或笑

禹餘糧 防風 桂心 芍藥
獨活 甘草 白朮 人參

石膏 牡礪 秦芫各二兩 防已

菖蒲 茯神 雄黃 蛇蛻皮各一兩

右吹咀每服五錢水三盞煎七分服之

仲大棗湯治婦人悲傷欲哭象如神靈方見肺部悲門

產後譫妄

雲奪命散治產後血暈入心經語言顛倒健忘失志

沒藥 血竭等分

右研細為末產後用童便與細酒各半盞煎一二沸調下二錢良久再服其惡血自下行一婦人產後譫妄如神靈諸藥不效用

此服而愈

挾熱 又方治產後敗血衝心發熱狂言奔走脈虛大者

乾荷葉 生地黄 牡丹皮等分

右三味濃煎湯調蒲黃二錢七一服即定

挾寒

郭氏論產後乍見鬼神者何荅曰心主身之血脈因產耗傷血脈心氣虛則敗血得積上干於心心不受觸遂致心中煩躁臥起不安乍見鬼神言語顛倒醫人不識呼為風邪如此但服調經散每服加龍膽一捻得睡即安

沒藥

琥珀並細研

桂心各一錢

芍藥

當歸各一分

麝香

細辛各三分

右為末每服半錢生薑汁溫酒各少許調服

天治方產一日見鬼言語顛倒用蘇合香丸一錢以童便

調服即醒

熱

雲治產後發熱狂言奔走脈虛大者四物湯加柴胡如不愈加甘草柴胡生地黃等分煎服亦可

廣治產後血暈心悶不識神言鬼語氣急欲絕

芍藥

甘草

丹參各一兩生地汁

生薑汁各一升白蜜一合

右水二升先煮三味取八合下地黃生薑汁蜜調分為

二次服

鍾

大治產後敗血及邪氣入心如見祟物顛狂用大辰砂一二錢研極細用乳汁三四茶匙許調仍握紫項活地龍一條入藥候地龍滾三滾取出地龍不用不令帶藥出但欲得地龍身上涎耳入無灰酒與前乳汁和合七八分盞重湯溫遇疾作分三二服

虛

栢子仁散治產後狂言亂語皆由內虛敗血挾邪攻心

栢子仁

遠志去心

人參

桑寄生

防風

琥珀另研

當歸炒

生地焙

甘草等分

右為麤末先用白羊心一箇切片以水一大盞半先煮

熱

至九分去羊心入藥末五錢煎至六分去渣無時服

循衣撮空

海治婦人血風症因大脫血崩漏或前後失血因而枯燥其熱不除循衣撮空摸床閉目不省擲手揚視搖動不寧錯語失神脈弦浮而虛內躁熱之極也氣麤鼻乾不潤上下通躁此為難治宜生地黃黃連湯主之

川芎

生地黃

當歸各七錢

赤芍藥

梔子

黃芩

黃連各三錢

防風一兩

右為麤末每服三錢水二盞煎至七分去渣取清飲無時徐徐與之若脈實者加大黃下之

大承氣湯氣藥也自外而之內者用之生地黃黃連湯血藥也自內而之外者用之氣血合病循衣撮空証同自氣而之血血而復之氣大承氣湯下之自血而之氣氣而

診

之血地黃黃連湯主之二者俱不大便

華病人循衣縫謔語者不可治 病人陰陽俱絕掣衣撮空妄言者死

喜笑不休

心火熱化

喜笑皆屬心火經云心藏神神有餘則笑不休又云在藏為心在聲為笑在志為喜又云精氣併於心則喜又云火太過為赫曦赫曦之紀其病笑狂妄又云少陰所至為喜笑者是也

河笑蕃茂鮮淑舒榮彰顯火之化也故喜為心火之志也喜極而笑者猶燔爍太甚而鳴笑之象也故病笑者心火之盛也

子和路經古宅逢一婦病喜笑不止已半年矣眾人皆無術求治於戴人戴人曰此易治也以滄鹽成塊者二兩餘

用火燒令通赤放冷研細以河水一大碗同煎至三五沸
放溫分三次啜之以釵探於喉中吐出熱痰五升次服降
火劑火主苦解毒是也不數日而笑定矣內經曰神有餘
者笑不休也所謂神者心火是也火得風而煽故笑之象
也五行之中惟火有笑常治一老男子笑不休口流涎黃
連解毒湯加半夏竹葉竹瀝薑汁而笑止矣
針灸
病面赤目黃喜笑不休詳盛虛熱寒陷下取之

健忘

丹健忘精神短少者多亦有痰者
靈黃帝曰人之善忘者何氣使然岐伯曰上氣不足下氣
有餘腸胃實而心氣虛虛則榮衛留於下久之不以時上
故善忘也大惑

上虛下實

心虛

于孔子大聖枕中方

龜甲

即龜板占敗者

龍骨

遠志

菖蒲

右四味等分爲末酒服方寸七日三服常令人大聰明

衍義云龜甲以其靈於物象用補心甚驗

治多忘方

菖蒲

一分

茯苓

茯神

人參

各五分

遠志

七分

右五味爲末酒服方寸七日三夜一五日效

局定志丸治善忘安神定志方見驚門

聖千金翼聖惠同補心虛治健忘令人耳目聰明用戊子

日服開心不忘方

菖蒲

遠志

各一分

右搗爲細末服方寸七食後令人耳目聰明從外見裏

及千里外事令人長生去三百病毒不能為害

肘治人心孔憺塞多忘喜誤丁酉日密自至市買遠志著巾角中為末服之勿令人知

腎傷

腎盛怒而不止則傷志志傷則喜忘其前言全文見診死生

血并於下氣并於上亂而喜忘全文見刺虛實

運氣

運氣喜忘皆屬心火虛經云火不及曰伏明伏明之紀其病昏惑悲忘又云太陽司天寒氣下臨心氣上從善忘又云太陽之復甚則入心善忘善悲是也

雜方

本草商陸花主人心憺塞多忘喜悞取花陰乾百日搗末日暮水服方寸七臥思念所欲事即於眼中自覺

針灸

集健忘 列缺 心俞 神門 中脘 三里 少海灸

診

無髑髑者心高心高則滿於肺中悅而善忘難開以言全文

見診

諸痛門

諸部分痛各入本門如痛風入痺門目痛入目門此特痛之大法耳

寒熱

素黃帝問曰予聞善言天者必有驗於人善言古者必有合於今善言人者必有厭於已如此則道不感而要數極所謂明明也今予問於夫子令言而可知視而可見捫而可得令驗於已如發蒙解惑可得而聞乎岐伯再拜稽首對曰何道之問也帝曰愿聞人之五臟卒痛何氣使然岐伯對曰經脈流行不止環周不休寒氣入經而稽遲泣而不行客於脈外則血少客於脈中則氣不通故卒然而痛帝曰其痛卒然而止者或痛甚不休者或痛甚不可按者或按之而痛者或按之無益者或喘動應手者或心與背相引而痛者或脇肋與小腹相引而痛者或腹痛引陰股

者或痛宿昔而成積者或卒然痛死不知人少間復生者
或痛而嘔者或腹痛而後泄者或痛而閉不通者凡此諸
痛各不同形別之奈何岐伯曰寒氣客於脈外則脈寒脈
寒則縮絀縮絀則脈絀急絀急則外引小絡故卒然而痛
得炆則痛立止因重中於寒則痛久矣炆古迥切熱也寒氣客
於經脈之中與炆氣相薄則脈滿滿則痛而不可按也
寒氣稽留炆氣從上則脈充大而血氣亂故痛甚不可按
也 寒氣客於腸胃之間膜原之下血不得散小絡急引
故痛按之則血氣散故按之痛止 寒氣客於俠脊之脈
則深按之不能及故按之無益也 寒氣客於衝脈衝脈
起於關元隨腹直上寒氣客則脈不通脈不通則氣因之
故喘動應手矣 寒氣客於背俞之脈則血脈泣脈泣則
血虛血虛則痛其俞注于心故相引而痛按之則熱氣至

熱氣至則痛止矣治見心痛寒氣客於厥陰之脈厥陰之脈

者絡陰器繫於肝寒氣客於脈中則血澁脈急故脇肋與

小腹相引痛矣治見脇肋痛厥陰客於陰股寒氣上及小腹

血泣在下相引故腹痛引陰股治見腹痛寒氣客於小腸膜

原之間絡血之中血泣不得注於大經血氣稽留不得行

故宿昔而成積矣治見積寒氣客於五臟厥逆上泄陰氣

竭陽氣未入故卒然痛死不知人氣復反則生矣 寒氣

客於腸胃厥逆上出故痛而嘔也治見吐法寒氣客於小腸

小腸不得成聚故後泄腹痛矣治見滯下熱氣留於小腸小

腸中痛癰熱焦渴則堅乾不得出故痛而閉不通矣治見秘結

帝曰所謂言而可知者也視而可見奈何岐伯曰五臟

六腑固盡有部視其五色黃赤為熱白為寒青黑為痛此

所謂視而可見者也 帝曰捫而可得奈何岐伯曰視其

主病之脈堅而血及陷下者皆可捫而得也俱舉痛論篇

形氣陰陽

素氣傷痛形傷腫故先痛而後腫者氣傷形也先腫而後痛者形傷氣也陰陽應象論

靈有形而不痛者陽之類也無形而痛者陰之類也無形而痛者其陰完而陽傷之也急治其陰無攻其陽有形而痛者其陰完而陽傷之也急治其陽無攻其陰陰陽俱動乍有形乍無形加以煩心命曰陰勝其陽此謂不表不裏其形不久

痛隨利減

垣通則不痛痛則不通又云痛隨利減亦有當隨其經絡而通之則疼痛去矣如輕可去實麻黃葛根之屬是也謂如頭痛當用川芎細辛之類通之則無疑滯痛隨利減也海諸痛為實痛隨利減世多以下之為利也假令痛在表者實也痛在裏者實也痛在血氣者亦實也故在表者汗

之則愈在裏者下之則愈在血氣者散之行之則愈豈可
以利為下乎作通字訓則可得矣故經曰通則不痛痛則
不通此之謂也

運氣

運氣諸痛皆屬火經云諸疼痛皆屬於火是也

一屬火實經云火鬱之發民病骨痛節乃有動是也

一屬火虛經云火不及曰伏明伏明之紀其發痛是也

禁忌

丹諸痛皆屬火寒涼藥不可峻用必用溫散之藥 諸痛
不可用人參蓋補氣氣旺則不通而痛愈甚矣

諸逆衝上

逆氣象陽全文見五藏

凡氣逆必見象陽症面赤脈洪當以

法降其逆乃愈若以氣象陽盛而用寒藥攻之則不救矣
氣上衝心咽不得息治法見傷寒厥陰病條

秋冬為寒春夏

垣如秋冬之月胃脈四道為衝脈所逆并脇下少陽脈二

為熱

道而反上行病名曰厥逆經曰逆氣上行滿脈去形七神昏絕離去其形而死矣其証氣上衝咽不得息喘息有聲不得臥於調中益氣加吳茱萸半錢或一錢觀厥氣多少用之如夏月有此症為大熱也蓋此症隨四時為寒熱溫涼宜以酒黃連酒黃栢酒知母各等分為細末熟湯為丸如桐子大每服二百丸白湯空心下仍多飲熱湯服畢少時便以美飲食壓之使不得胃中停留直至下焦以瀉衝脈之邪也

寒氣厥逆赤丸主之

茯苓

桂心各四兩

細辛一兩

烏頭

附子

各二兩

射罔

如大棗一兩

右六味為末內真珠為色蜜丸如麻子大先食酒飲下

三九日三夜一服不知稍增之以知為度

一方用半四兩不用

逆氣五臟皆有

腹引挈
丸逆在
心小腸

一曰心小腸經云諸逆衝上皆屬於火又云少腹控挈引腰脊上衝心邪在小腸取之盲原以散之刺太陰以予之取厥陰以下之取巨虛下廉以去之按其所過之經以調之是也

嘔吐逆
在胃

二曰胃經云胃為氣逆是也胃逆有嘔有吐有噦故刺嘔吐取中脘三里也刺噦取乳下黑根盡處及臍下三寸皆大驗也治各有本門

喘咳逆
在肺大
腸

三曰肺大腸經云肺苦氣上逆急食苦以泄之又云腹中常鳴氣上衝胃喘不能久立邪在大腸刺盲之原巨虛下廉是也其肺逆曰咳喘取天突人迎泄之也治亦各有門

耳聾煩
腫逆在
肺

四曰肝經云肝氣逆則耳聾不聰煩腫取血者是也

奔豚脚

五曰腎即奔豚氣逆脚氣衝心之類是也治亦各有門

氣不得前後逆在腎針灸

六曰腎經云督脈別絡生病從少腹上衝心而痛不得前

後為衝疝是也治見疝門

玉腎氣衝心 關元二寸半補 帶脈一分沿皮向外二寸半瀉

摘腹有逆氣上衝心腹脹滿不得息 氣衝右臍下七寸兩旁相去遠

二寸動脈應手 三里立愈

運氣厥逆有三 一曰風火經云少陽司天火氣下臨風行于地厥逆膈不通是也

二曰寒經云水鬱之發善厥逆是也

三曰濕經云太陰司天濕氣下臨厥逆是也

噫飽氣也俗作噯氣 下氣

仲上焦竭善噫何謂也師曰上焦受中焦氣未和不能消

是故能噫耳經云衛出于上焦 焦不歸者噫而酢酸經云不歸不至也上

焦之氣不至其部則物不能傳化故噫而酢吞

噫屬心脾及二陽一陰經云心

為噫又云太陰所謂上走心為噫者 陰盛而上走於陽

明陽明絡屬心為噫故曰上走心為噫也又云二陽一陰

發病主驚駭背痛善噫欠也

仲旋覆代赭湯治痞而噫方見傷寒痞門

本心下蓄積痞悶或作痛多噫敗邪氣枳殼散主之

枳殼 白木各半兩 香附兩 檳榔二錢

右為細末每服二錢米飲調下日三服不拘時候方 厖老

丹宣州人與前方証皆除氣上築心膈噫氣稍寬脈之右

關弱短左關左尺長洪大而數此肝有熱宜瀉肝補脾

青皮錢一 白木半錢 木通 甘草二分

煎下保和丸十五粒抑青丸二十粒

噫氣胃中有火有痰

噫氣胃中有火有痰

南星製

半夏

軟石膏

香附

各等分水煎服

運氣噫有三

一曰熱助心實而噫經云少陰之復噫噦是也

二曰寒攻心虛而噫經云太陽司天寒淫所勝善噫又云

太陽之復唾出清水及為噦噫是也

三曰風攻脾虛而噫又云厥陰在泉風淫所勝腹脹善噫

是也

針灸

針灸噫獨取脾經云脾足太陰之脈是動則病腹脹善噫視盛虛熱寒陷下取之也

診

仲寸口脈弱而緩弱者陽氣不足緩者胃氣有餘噫而吞酸食卒不下氣填於膈上

脈寸脈緊寒之實也寒在上焦胸中必滿而噫 跌腸

微而澁微無胃氣瀦即傷脾寒在膈而反下之寒積不消

胃微脾傷穀氣不行食已自噫寒在胸膈上虛下實穀氣

不通為閉塞之病 跌腸脈微瀦及寸脈緊而噫者皆屬

寒全文見診條 太陰中者腹脹閉噫氣嘔逆

下氣

心虛

下氣屬心虛經云夏脈者心也心脈不及下為氣泄者是也

腸胃鬱結

河腸胃鬱結穀氣內發而不能宣通於腸胃之外故善噫而或下氣也

診

診癰癩勞瘵若氣下泄不止者必死此真氣竭絕腸胃腠理閉塞穀氣不能宣通於腸胃之外故從腸胃中泄出也

既閉寒燥廉不指宣氣然則胃之於始發則胃中氣出也
之氣則氣熱若胃廉不吐不吐者必死也其氣則氣熱則胃氣
則短不氣也

胃氣攝攝氣廉內發而不指宣氣然則胃之於始發則
也

不廉是以氣熱六頁則香少也少則不又不為廉則其長
不廉

大書中言氣熱則胃氣取也

則則氣熱則胃氣取也
胃氣攝攝氣廉內發而不指宣氣然則胃之於始發則
醫學綱目卷之十六



